


石倉十二代詩選

九十五



明 六十四九

漢書門			
三	七	四	五
九	七	函	號
一	四	二	冊

內閣文庫			
三	九	函	號
三	七	函	號
九	四	冊	架

內閣文庫			
番號	漢	3745	
冊數	142 (97)		
函號	319	25	

明詩六十九十五

九十五



書齋
館印

日
山
印

明詩卷之六十四

明詩卷之六十四

豐城朱善著

大明

豐城朱善著

後學曹學佺閱

蘭竹操 美貞婦

淺草文庫

冬蘭青青列于階庭風雪所撓不枯不榮 冬

竹猗猗蔭于戶牖冰霜所摧不萎廼秀 彼美

貞婦志潔行高皦皦朝夕不敢怨勞 有蘭之

幽有竹之節守義不渝之死靡慝 夫也天只

孰忍忘之子之幼矣誰其將之 夫也天只孰

歷代詩選

明朱一蕪

卷六十四

一

陳第

忍負之子之幼矣誰其顧之 適彼南畝言刈
其麻我勤于績以定我家 適彼南圃言採其
桑我勤于蠶以實我筐 爾筐既盈爾家既寧
迺教爾子勤于六經 學業既優克忠克孝維
子之賢繫母之教 載歌蘭竹續彼栢舟猗歎
方氏共姜之儔 蘭則有馨竹則有筠嗟婦之
貞永保令名

遠別辭送餘干令李謙山

風淅淅兮雲悠悠木葉落兮天宇秋君胡爲兮

不返嗟客子兮淹留攬西山兮秀色泛東湖兮
弄明月樂莫樂兮新知心奚忍兮輕別山有虎
兮湫有龍勞余思兮忡忡渺餘干兮何許揮五
絃兮送孤鴻寫桂棹兮蘭舟摻于祛兮夷猶南
州雖好兮不可以久處嗟子去兮何以慰我之
離愁

漁父還劍辭

日之將夕兮道阻馬罷波流浩渺兮孰拯其
余母可躋兮亶也其時子兮不度兮後悔可追爾

劍雖寶兮余無所用之豺狼在野兮水有蛟螭
子持以往兮慎所歸履信蹈義兮毋倒行而逆
施吁嗟遠遁兮後將余思

望雲圖詩爲廣州大使熊悅作

瞻彼西山麓白雲何悠悠吾親舍其下望之懷
百憂浮雲不可卷逝水不可返遊子悲故鄉別
親日已遠雲飛可逾嶺母老難辭家豈無其旨
具奈此道路賒昨日鄉親來老母幸無恙殷勤
附書去慰母倚門望阿母望兒歸兒歸未有期

母加餐飯慰子長相思人言居官好何似還
鄉早他日乞身歸共舞老萊衣

舟中書所見

五牛牽一車四牛曳一犁耕田不費力運物豈
愁遲露冷草枯候天寒稻熟時農家享快樂父
子共熙熙

又

清河五百里觸目興悠然客用驢馱物人驅牛
曳船魚鮮堪換粟棗熟不論錢安得移家住教

兒學種田

客省使溫田王西域人也載酒過翰林痛

飲且留詩因和其韻

金臺載酒詞林聚吟詩彷彿陰鏗句共是東西
南北人依然雲路還相遇君言我賦有金聲我
亦憐君如玉樹摘詞已喜錦生花屬思尤如繭
抽緒且將綠蟻注清樽莫遣烏鴉驚列炬夏宵
苦短君意長忽覺雞鳴窗欲曙請君上馬早朝
天我亦束衣從此去

長短句

翁騎驢兒牽車童子荷擔相追隨風淅淅草淒
淒阿兒苦寒翁苦飢翁雖不語心傷悲吁嗟薄
命當訴誰遼東雖云樂不如早旋歸

九月初一日庚午出龍江驛

清晨辭鳳闕薄暮出龍江父子趨殊域詩書化
異方楚山雲渺渺遼海路茫茫但願身長健他
鄉卽故鄉

甲戌過桃源驛

卷六十四

月天

一

卷六十四

四

字

歷代詩選 明朱一鼎 四
迥與武陵異偶然名字同祇知迎驛使豈識問
漁翁危質慙蒲柳浮生愧梗蓬何由訪仙境不
與世人通

八日丁丑至徐州城老妻病歿倉卒葬畢
揮淚登舟而去

病妻中道隕倉卒奈渠何老眼淚雖少中心痛
已多椒漿惟自奠薤露竟誰歌莫作他鄉鬼孤
魂寄薜蘿

辛丑入安山湖

湖水渺無際篙工訴苦辛天風能送客川后不
淹人風浪排空濶雲山入望頻此生隨萬物何
必獨傷神

庚寅入壽光縣界

浙浙風中黍蕭蕭露下桑始驚時物變轉覺道
途長報國心常赤思家髮已蒼故鄉頻入夢煙
雨暗前塘

辛卯趨稻田驛

涼風吹古道落月照空山雁過人開戶雞鳴客

歷代詩選 卷六十四 五十一
度關愁多心緒亂身老鬢毛斑欲就君平卜茲
行幾日還

聞雁

汝向江南度江南我故鄉雖無書達意却有淚
成行淺水浮蘋藻良田足稻梁秋來鷹眼疾去
去亦須防

丁酉至蓬萊縣

兩年居禁苑一日至蓬萊海上煙波隔人間歲
月催野鷗從此泛仙鶴幾時回惟有王喬鳥雙

鳧數往來

廿九日戊戌別刑部從事仇文炳

累月陪歡笑君歸我獨行幾時重會面異國倍
關情匹馬回京遠扁舟過海輕故人來問訊憂
喜轉相驚

望鳴呼島

五百田橫士中心出至誠寧爲同日死不苟一
時生島有鳴呼號人留慷慨名至今觀信史遺
恨幾時平

歷代詩選 卷六十四
度關愁多心緒亂身老鬢毛斑欲就君平卜茲
行幾日還

聞雁

汝向江南度江南我故鄉雖無書達意却有淚
成行淺水浮蘋藻良田足稻粱秋來鷹眼疾去
去亦須防

丁酉至蓬萊縣

兩年居禁苑一日至蓬萊海上煙波隔人間歲
月催野鷗從此泛仙鶴幾時回惟有王喬鳥雉

覓數往來

廿九日戊戌別刑部從事仇文炳

累月陪歡笑君歸我獨行幾時重會面異國倍
關情匹馬回京遠偏舟過海輕故人來問訊憂
喜轉相驚

望鳴呼島

五百田橫士中心出至誠寧為同日死不苟一
時生島有鳴呼號人留慷慨名至今觀信史遺
恨幾時平

至金州驛和軍中秀才柴景岩韻

邂逅金州驛蕭然一旅人身居滄海外家在大
江濱酒至愁先醉詩成覺有神相看雨不厭孰
爲主和賓

與金州張王二指揮同宿諸窩鋪

海舟曾共濟山館復同眠捐拙燒新火攪稔解
舊醴三盃雖率爾一枕且恬然明日遼城路君
應到在先

古廟松風

廟不知何代建蒼松還憶古人栽遙聞午夜

風濤起疑是半天風雨來

龍灣曉霧

龍灣之水何縈迴曉霧濛濛未朝應有蛟龍
現神恠向空虛氣作樓臺

手山擎月

仙人已乘白雲去仙手猶擎孤月寒好拉洪崖
同跨鶴仍招子晉共乘鸞

蓮池垂釣

露冷風清池水秋蓮衣落盡藕絲柔誰人正把
任公釣豪客方眠太乙舟

附王佑詩

字子啓泰和人仕至廣西僉事

夜泊采石懷李白酌酒邀月共酌

清夜宿采石浩歌懷謫仙海風吹明月飛上青
天懸月光宛如昨太白久不作呼酒坐船頭邀
月共斟酌大江如平天倒看明鏡圓水上皆白
雪流光入余船當時豈真醉捉月猶兒戲千載
笑踈狂幾人會高致我今問嫦娥百歲愁常多

古月至今好令人如古何謫仙倘遇之便好同
樽酒明月成三人相逢足為友期君君不來輕
掉酒船迴但得天上月長在掌中杯

三山樵者歌為湖廣僉事王子正賦

福州城裏三山好聞爾採樵曾結廬每嘆為官
出山早何如習隱在山居山中喬木凌霜雪清
廟明堂嗟未得豈無松栢成棟梁亦有柯桐中
琴瑟我修我斧持我斨清曉出門行路長初涉
寒流度前澗更攀危石上高崗崗頭遙望扶桑

日海底紅輪湧波碧照耀青天絕片雲奔崖翠
壁光相射黃驪谷口鳴嚶嚶白石峰陰同坐行
辛苦不辭長食力幽栖已慣豈遜名大材當爲
時愛惜朽樸由來足薪積許許寧知歌自悲丁
丁遠聽聲何急日斜樵伴邀同歸萬壑千岩行
者稀薄靄餘霏昏竹徑斜陽返照入荆扉當時
自分貧亦足與世相違謝榮辱玉局時來石上
看青編夜照薪餘讀明時搜士徧丘園束帛徵
求忽到門金馬玉堂親召見繡衣鐵鉞遠甸宣

山中白雲隨共住甚欲還山不能去芳草應迷
行徑蹤綠蘿長覆栖閒處吁嗟窮達在人生俛
仰興懷感慨并傳說旁求從版築阿衡聘起自
躬耕古來出處有如此豈但于今應時起報效
垂休竹帛間還歸重臥雲蘿裏

題蕭彥翀雲構

青霄萬餘仞白雲千百重不在大行九折坂不
在匡廬五老峰海東高人蕭彥翀紫髯如戟顏
如童卜居不肯向岩谷乃欲結構雲之中雲下

夕栖素欄秀色可攬光纖纖曉晴潤氣拂蕙
暮冷清陰飛竹簾鳳臺之素娥爲吹紫簫曲
山罷青天高澄澄如碧玉露洗三更寒煙飛一
庭綠君家世躡青雲枌方匡鐵面秋霜飛繡衣
春當霄漢立勁翮凜凜凌虹霓子亦胸襟隘寰
宇曾泛靈槎訪牛渚好登雲路早從龍大濟蒼
生作霖雨

題蕭雅言武山讀書處

武夷山容春更清員如仙髻方如屏中峰遙對

章江水松頂平臨大角星憶我山中尋武姥手
招陶皮二仙侶泉陰芝草春自香洞口琪花夜
初吐武姥瑤壇凌紫霞骨青髓綠顏如花謂言
富貴等塵土授爾長生九轉砂龍吟虎嘯綵鸞
唱夜半烏飛曲江上山中留得煉丹泉疑是銀
河瀉千丈我祖前朝胄監還愛蘭諸老同栖山
武山福地金字額至今照耀雲林間聞君讀書
隱岩石笑我被徵去鄉邑手種岩前幾箇松應
有清陰坐沾席君今解組賦歸休我復乘槎事

遠遊想得雲峰峰下石待君高枕聽泉流涼風
 吹月從西度玉盤掛在長松樹遙知夢覺石岩
 秋應憶朝迴辟雍署武姥雲端如可逢江南為
 寄玉芙蓉倘得丹成天上去相從入極跨雙龍
 自城陵遣阮庚上桂林候姪伯貞挈家過
 峽州却圖入蜀追賦二首
 遣爾迎妻子殘冬到峽州瀟湘俱便道灩澦正
 安流書挈母遺墜舟行莫滯留鸞花春二月相
 見錦城樓

又

念爾何時見相離七月餘如何千里道不寄一
 行書老恐妻孥隔貧嗟骨肉踈錦城宜早到詞
 賦訪相如

松滋縣

乃爾松滋縣清妍似故鄉碧湖浮片月紅樹着
 新霜見客征魚稅思兄憶雁行峽州知不遠雲
 際疊青蒼

雲安夜泊同子祺諸公分韻

唐詩選 卷六十四 三十四
今夜巴山雨蕭蕭江上聲短篷依岬宿遠火隔
灘明也迎雲陽驛初辭夔峽城中途仍擬別去
住若爲情歲月愁顏改山川離恨并歸期雖未
定畢竟共朝京

望湖亭

吳城高處望湖亭天影低垂入杳冥江合東西
成巨浸川分清濁會滄溟夜寒機杼鳴蛟室晚
霽帆檣集雁汀頗恨登臨情不盡廬山雲掩半
邊青

小孤山

彭蠡東來一片山雙崖屹立水雲間乾坤開闢
遺孤柱江漢朝宗會此闕春雨魚龍隨變化秋
空猿狖怯躋攀今來古往俱陳迹惟有潮頭到
復還

過安慶弔余廷心

左轄當年鎮皖城江淮千里日交兵四方共倚
雄藩在一木孤撐大厦傾高節分明成蹈海奇
才磊落見竹管至今書疏留遺恨丞相旌旗不

遠征

夜宿臺中明朝拜封岳瀆詔

宮闕深沉夜氣寒月鈎初上碧雲端羽林侍衛

羅千士粉署趨朝宿百官銀鑰已橫金瑣闥絳

紗遙度玉闌干明朝岳瀆頒封詔四海神人總

奠安

過臨臯驛賦簡胡子祺

晚涼官驛過臨臯訪古遙瞻赤壁高粉堞浮雲

生暝色長江明月照秋毫洞簫吹落王喬鳥宮

英豪
鏞裁成太白袍便好與君沽美酒中流擊楫醉

謁狄青廟

夜入崑崙破敵關長驅駐節望仙山兵威已振

遐荒肅寇首寧容大理還春雨蘋蘩遺廟在夕

陽林木戰營開將軍千古平蠻績馬援真成伯

仲間

贈別裴伯升

清江科第舊名家千里初乘出使槎離別可憐

芳草色淹留又過刺桐花香爐煙底晨趨珮畫
角聲中暮散衙歸到栢司還問信相思雲樹海
天涯

潯州司中

青山積翠壓城頭四月高堂氣似秋藤峽西連
猺洞險狎江下合鬱林流茅茨繞郭炊煙起榕
葉盈庭宿雨收頻首歷階雙拜跪安南貢使入
中州

舜廟

南海蒼梧萬里遙重華遺跡在山椒地靈尚憶
迎龍鼓天籟如聞奏鳳韶大禹玄圭功已告二
妃斑竹恨難銷小臣再拜瞻龍袞但覺薰風滿
袖飄

御史孔希古送別

十八人中同受詔四千里外獨之官九重雨露
雲霄迥六月冰霜瘴海寒白是良材掄預栢函
來至寶數琅玕天南晝夜瞻金闕報主應同一
寸丹

湘陰劉臯獨醒亭

乘舟四月過湘陰
湘水沉沉湘樹深
百里元非仇覽志
獨醒因續屈原吟
清風洒落猗蘭浦
細雨蕭疎斑竹林
數載相逢重會面
洞庭無底是離心

謝劉子高惠冰

御井開冰賜近官
故人馳贈出朝端
天霜積塊承金盃
雨露融英薦玉盤
受賜知君恩最重
分嘗令我病先安
憶曾烏府居長夏
近侍擎來滿

座寒

登鳳臺

鐘山秀疊御屏風
金闕端居紫翠中
千里帝畿王地濶
萬年天塹大江雄
員方圭璧親承祀
華夏車書總會同
却笑羸秦爲計拙
拙東南王氣本無窮

贈四明任思賢侍親還鄉

聖朝孝理待賢材
羨爾辭官得放回
千里白雲親舍在
一帆飛雨客船開
板輿侍奉追潘岳
綵

服承歡作老萊想得慈顏長壽考萱花堂上卽
天台

彭澤懷陶靖節

彭澤江臯五柳色維舟幾度憶高人孔明千載
當爲友劉裕終身不得臣酒熟歸來從醉醒詩
成贈答到形神當時笑傲東籬下祇許南山日
夕親


湖口驛寄家書感懷

湖口垂楊古驛開西風重繫采舟迴月浮彭蠡
玻瓈碧雲擁廬山錦繡堆見雁設題千里字買
魚聊醉九江杯故園三徑存松菊得似淵明歸
去來

荆南舟中寄華容孫景賢臨湘黃允中

故人不見十年餘聞說華容早卜居湖上屢停
千里棹江南不寄一行書別來每恨知心少老
至翻介會面踈得句荆南煩去客芳春問信向
茆廬

白帝故城爲僞夏屯營之所我朝侯總兵



駐大旗山遣謀出瞿嵐渡據其上流射
殺偽平章鄒遂下瞿關今其營壘分兵

守之卽事

上將西征百萬艘大旗山下駐旌旄巴渝未下
聲先振瞿峽相持勢兩高間道便如持幟入緣
崖不用裹氊勞天兵四海俱臣妾特險無知笑
爾曹

先祖父諱日宿青城哀感

青城山縣懷先德萬里江南未得歸手澤至今
存典籍容顏無復見庭闈鄉坐宿草荒春雨蜀
道踈林澹夕暉兩袖東風歸騎遠傷心惟有淚
沾衣

荻港值雨

白浪如山雪作堆淮雲將雨渡江來畫船撐入
蘆花港掩却篷窗半面開

夜過雷港驛換舟

月暗江天睡不知棹夫催起換船遲蒲衣涼露
扶殘夢正是趨朝待漏時

歷代詩選

暮過湓城

琵琶亭下換官船江漢秋來水接天莫問英雄
千載事湓城蘆荻鎖寒煙

蘇州刺史白居易
自死後出雲
蘇州刺史白居易
蘇州刺史白居易

蘇州

蘇州刺史白居易
蘇州刺史白居易
蘇州刺史白居易

石倉十二代詩選
蘇州刺史白居易
蘇州刺史白居易

石倉十二代詩選

明詩卷之六十五

晁菴集

大明

廬陵胡廣著
後學曹學佺閱

贈別

驅車出郭門迢迢欲何之駕言向關隴指日西
北馳朝登黃河壩暮投洛與伊歷覽有古迹憑
高多曠辭由來賢達人壯志在西隣焉能事局
促徒負蓬桑為念子本超宕雅懷良不羈所希
在前轍離別寧足悲

歷代詩選

明月光

卷六十五

一

甫

題程節婦卷

結髮誓同穴百歲以爲期託身在然諾此情惟
心知夫君旣奄忽妾生亦何爲飛鳥有比翼樹
木尚連枝嗟人秉靈性胡能乖所持一死信獨
難義重複奚疑茫茫長夜臺皎皎冰玉姿相見
宛如夢精魂常侶隨

謁青陽先生祠

征驢泊脩渚前登皖城隅曠懷浩無際弔古重
踟躕偉哉青陽公文武足憲謨攬槍動南服勁

氣空萬夫百戰撫瘡痍六載枕戈爰盼窮援兵
絕力竭形勢孤天步挽不回已矣夫何如慷慨
盡一決取義以捐軀全家萃忠節之死矢不渝
精誠懸景耀赫赫凌蒼虛綱常振頽俗靡波障
奔趨褒揚列汗竹廟食儼龍舒大江逝滔滔惟
有伍相俱淒涼古祠下日夕靈飈呼

文丞相祠

丞相生異質挺特真天人勁氣薄霄漢國亡將
軀狗上書抗直言屢欲斬賊臣大事已云徂乃

付秉軸釣降表夜竊出六營竟蒙塵嗟彼賣國者致公何狡魏萬死出虎口努力支蒼旻崎嶇走嶺海顛沛念君親徒手格猛獸胡馬正駢駢勢窮猝被執誓死以成仁悵望零丁泮欲濟迷遠津天高憐戢翼水涸悲縱鱗羈縲詎逞恤狂狴經數春采薇耻食粟詠歌傷獲麟從容乃就義慷慨焉顧身所學希聖賢臨死書諸紳

高唐州與幼孜入榆林中避風沙漸行入

夏津縣古河屯遇一田家邀予二人飲

意甚勤厚幼孜飲少僕爲飲數杯上馬

而去

策馬度榆林行次古河曲曲堤隱若城河流已不復下馬飲河水逢人問鄉俗田家有好懷邀我坐茆屋爲言家登萊分丁屯大陸居此成聚落歲久繁生育公家值少事衣食恒自足所欣達官至開甕酒初熟呼婦滌金罍旋芻春分醪馨香忽出戶浮蟻泛糟麴雖無肴與核羅案具蔬菽野人性真率酬勸情轉篤殷勤慰渴飢餘

歷代詩選 明古州 三
以及童僕意氣自豁然豈能令拘束興闌出門
巷老少似徵逐相送河上村徘徊佇延目

過德州有感

襟喉郡城堞亦何雄地控齊魯際路當幽
薊衝古河忘舊名故壘有遺蹤我頻扈仙蹕來
往經山東到此懷宿昔望遠臺已空詎諧失方
朔聰明無管公高士文不傳禰衡賦徒工若人
俱寂莫蔓草起淒風偉哉顏太師矯矯人中龍
智明炳幾先芽葉防奸兇豺虎方哮噬于以折

其鋒霜雪瘁百草挺然見孤松高名懸日月壯
節凌蒼穹千年英烈氣尚見成長虹

駐師環瓊圖

日出見山低日入望山高四山宛如環層沓湧
秋濤天兵駐連營雲霞護鉞旄春陽被野草暖
氣回征袍司馬用九伐廟略全六韜師行貴神
速令肅無歡囂勇士憤氣盛泰山壓秋毫上軍
先伐謀小醜焉能逃漢將伊吾捷乘夜趨臨洮
何如仁義師一舉靜腥臊

采石述懷

我生厭局促江海日奔馳扁舟薄暮過采石仙
人招我登峨眉眉亭前波浩渺百尺懸崖俯
飛鳥三山潮到浪欲平明月來時漾珠小錦袍
公子李謫仙騎鯨一去經千年作詩往有三百
篇上追風雅相流傳却向此中看月色翻身跳
入龍宮眠纖塵不染骨已蛻空餘荒塚埋雲煙
便呼斗酒酌江水再起共乘墳下船將携兩僮
歌扣舷玉簫吹斷催繁絃世上黃金不如土取

醉何須斗十千悠然懷古怨莫極留得青山舊
相識傍人訝我酒家仙亦有從前好詩癖夜闌
慷慨曲未終起舞拂袖來江風朝雞促報東方
曙放手但覺金罇空君不見摩挲銅狄徒騷首
今古英雄歸一朽虛名落在宇宙間惟有文章
可長久

草書歌

妙年好武仍好文伊誰之能趙將軍精誠皎潔
懸白日浩氣磊落橫青雲憶從仗劍事明主帳

歷代詩選 明古光
下賢勞忘辛苦據鞍草檄人共知破敵舉旗心
自許只今海宇歌太平侍從彤墀承穆清朝罷
臨池恣揮灑筆陣飄逸令人驚勢如激電起倏
忽又似秋空搏健鶻恍疑危石墜顛崖歛若
蛟躍溟渤神情冲澹更蕭散何用公孫舞經眼
昔時浪誇金錯刀此際須爲鐵門限坐令索者
走如市積軸盈箱更盈几毫端變化不可測頃
刻雲煙生滿紙蹇予亦有好書癖學久無成徒
歎息請公爲我寫數張毋使高堂空素壁

臚胸河

今名飲馬河

臚胸之河水如綫百折東流疾似箭河邊地曠
芳草深從來此處多征戰漢家煙塵西北起漢
將成功曾度此雄兵夜走左賢王前騎先驅右
谷蠡一朝館置呼韓邪邳支遠去誅旋加塞上
防秋令行急匈奴遙望陰山泣只向河邊循故
道逐牧年年趁水草聖明天子御八荒四夷遠
邇皆來王獨有胡兒負恩德逆天之罪干刑章
天兵萬里從天下却向此中來飲馬胡塵一掃

大漠平河邊草綠小空青

題邊文進畫松鶴

邊生掃素寫孤鶴傍著長松倚雲壑天風吹墜
銀河流挂在丹崖九霄落松聲鶴唳水潺潺恍
聆仙樂鳴空山高秋爽籟度窈窕初疑蓬島非
人間古稱善畫誰第一畢宏薛稷皆名筆想應
對此融心神毛髮颼颼也森栗高堂見之若可
招竦身逸氣凌沆寥卷簾只恐上天去長松灑
瀑空瀟瀟

題曉睡圖

昔聞藐姑射其山多神仙雲裾霞袂何蹁躑今
之畫圖無乃是人間一住三千年紗帷半揭清
如洗十二欄干曙光裏天風吹夢度寥廓倦倚
鮫綃睡不起芭蕉葉綠松露涼枕邊裊裊騰爐
香飛來啼鳥莫呼醒日上扶桑清晝長

楊白花

楊白花度江竟不還非汝故來急恐落塗泥間
春光憔悴如花顏相思不見空長歎浮雲流水

歷代詩選
何漫漫安得隨風返高樹仍結柔條莫飛去楊
白花攪心緒

燕辭巢

燕燕飛雙呢喃尾條條毛絨絨東隣西舍穿欲
徧乍去忽來看人面東家有屋不我容西家屋
破愁雨風營巢寄栖只如客嗟胡爲乎于我阨
所求寸隙暫安窠主人不容將奈何渴不飲爾
漿飢不啄爾粟廣厦庇梁上焉用苦相逐西家
却有賢主人銜泥接食憐我勤使我爲巢隨所

在汗書點案俱不嗔生雛長大羽翼成忽然飛
去那無情燕雛飛去復飛來別遽祗畏傍人猜
更借梁間過幾宿爲謝主人深煦育正恐秋高
落木稀一朝各自東西飛主人留我不能任此
意蒼黃誰得知但願主人好心事年年生子來
相依

可惜行

可惜復可惜人生百年駒過隙昨日已往不再
來今朝欲留留不得請君莫學流浪徒此身堪

歷代詩選
明倫彙編
家範典
卷之九
八
歎非常軀丈夫貴自率真性造化賦予無賢愚
君不見南隣富薰天呼盧一擲百萬錢昨日探
丸馳駿馬今朝已葬泉臺下世上悠悠只如此
可惜空生復空死

滕縣隨獵觀犬嚙虎

隨獵入深山山深多乳虎虎見人來却負嵎人
一向之觸而怒羣犬聞虎聲競趨至虎傍下口
亂咋虎莫當犬視嚙虎如嚙羊昔聞泰山麓有
虎相馳逐先父駐遊車下問婦人哭嗚呼安得

此犬在當時盡驅猛虎食其肉更啗貪殘羣吏
黠

長城曲

長城莽蒼天北隅秦人築此遠備胡秦人一去
胡來牧城邊春草年年綠禦胡無策徒爾爲亡
秦者胡高與斯可憐長城猶突兀誰知下有秦
人骨陰燐飛走夜不滅可憐還是秦人血秦人
不用悲辛苦長城歲歲磨風雨當時若去桃花
源至今不葬長城土往事蕭條莫歎嗟單于已

死空黃沙漠家舊道無人跡冷落寒雲野草花
逐胡寇至靜虜鎮大戰敗之

窮荒倍道逐驕虜壯士奮兵闖虓虎陣前殺氣
高入雲夜半妖星墜如雨塞上橫行五月餘萬
里蕭條邊月孤霜華拂劔弓角勁直欲斬射諸
胡奴胡兒無知來格鬪出沒山間若鼙鼙猛將
材官一敵百徑扼胡胸斬其首紛紛白羽急流
星馬蹄亂蹀胡血腥羣胡奔哭淚交落漢兵大
呼天山傾羶車奔野紫駝逸牛羊散漫豺悲鳴

白日沈光雲似黑燕支慘澹無顏色嫖姚轉戰
不肯休飛旆窮追勦殘賊天子勅將士予匪黷
干戈所以伐有罪罪弗乃于他但使匈奴怛威
武不欲禽獮皆虞羅拊循降附釋俘縛頓令寒
谷回春和沙場自此少征戰邊將高眠安寓縣
冠軍車騎浪成名九重廟算允餘衍

元夕觀燈侍宴十六韻

聖主恩波雨露濃清時宴樂四方同千門燈火
笙簫裏五夜樓臺錦繡中玉樹焜煌環絳闕銀

蟾皎潔晃瑤宮煙凝寶蓋麒麟紫星散金蓮琥
珀紅忽似彤霞明紫殿恍如珠斗下璿空輦扶
仙鶴青冥外山載靈鼇碧海東層疊雲林消晦
藹微茫巖岫聳龍從漏聲稀報渾疑曙蠟焰交
騰欲躡虹翡翠簾櫳光燦爛珊瑚枝幹影玲瓏
天街深邃無塵到河漢低迴有路通雉扇徐分
龍袞近鑾輿侍衛虎賁雄瓊卮賜酒催中使玉
珮聯班列上公接席相歡諧語笑當筵趨扮舞
夷戎教坊角枝呈諸戲光祿盤飧饋有饌既醉
入聞歌湛露序賢端擬詠敦弓已看稷高遭逢
盛不數鄒枚賦頌工

歸至北京

曉隨仙仗入都城雲散扶桑旭日晴萬國衣冠
迎玉輦九天仙樂度韶英華夷混一歸真主宇
宙弘開屬大明燕薊河山誇壯麗閭閻歌舞樂
昇平神功自是超三代武庫從今戢五兵紫塞
已空胡虜跡丹山長下鳳凰鳴烽燧寂靜無宵
警邊戍常聞有歲耕歸馬放牛秋野迥從禽校

獵內庖盈逐戎適見征車出獻馘旋看告禮成
預報明朝行大享百寮同此沐恩榮

送周判官致仕

送別倒離樽春風白下門暖煙滋柳色新水上
潮痕落日迴孤棹幽居憶舊村獨憐江浦月隨
處照黃昏

西園

西園臨絕嶠草樹有餘清浦月隨潮上山雲帶
雨生密煙籠暝色虛籟發秋聲長憶幽棲趣都

軒冕情

中秋夕示諸兒

五載從巡狩三年住北京中秋氣已肅今夜月
偏清佳節催吾老詩書望後生遙知把酒處重
有憶親情

重陪駕至太液池

玉砌臨無地飛甍上倚天微風斜舞燕高柳沸
鳴蟬芳草茸茸細池荷箇箇圓孰知丹禁裏別
有好林泉

內直次韻

天門侍立已多時內閣從容退食遲四海太平
應有象九重端拱正無爲扶桑日上黃金殿閭
闔風生赤羽旗共喜草萊深雨露華夷從此樂
雍熙

秋日早朝次王簡討韻

夏滿都城一雁飛輕羅初擬試朝衣城頭鼓角
傳更滿闕下星河向曉稀佳氣入雲浮紫殿新
涼先雨到彤闈涵濡此際雍熙日誰識陽和造

化機

望廬山

廬阜高寒插劔鋸晚晴遙望入蒼蒼千層華蓋
從天下九疊屏風帶雪張影落平湖青黛小秀
分南紀白雲長他年五老能招隱便結松巢跨
石梁

發池口

夜靜扁舟向曉開中流渺渺棹歌來雪留翠巘
春寒在日落黃蘆暝色催壯節未酬空把劔羈

歷代詩選

明胡元大

卷六十五

三

甫

懷欲遣莫停杯故園別後無消息愁見江城雁
北回

寄簡夫

幾度詞垣對夕暉懷君千里恨相違乍逢故友
將詩寄久別文江覺夢稀牛渚波光天際遠龍
河草色雨中微遙知習靜東山下閒看浮雲出
岫飛

鄉闈懷同寅諸友

棘闈清坐思迢迢咫尺詞垣隔九霄青草晝長
閒草制紫宸天近早趨朝萬家秋色煙中樹一
曲涼聲月下簫試問故人相憶否離情欲寄塞
鴻遙

送李輔歸鄉

都門曙色已曛曛相送離亭思萬重日下紅塵
迷遠岫雲邊紫閣度疎鐘家書欲寄雙鳧渚鄉
夢先過五老峰同學舊游煩寄語別情應似宦
情濃

陪祀南郊

歷代詩選 明 胡文 卷之六
聖王升中禮玉皇碧霄雲淨月蒼蒼星河晃漾
搖雙炬燿霧空濛散好香玉珮上公趨執事朱
衣宿衛列成行小臣侍從天壇下聽徹簫韶頌
我將

贈黃中書還永嘉

玉佩趨陪紫禁朝春風華髮已蕭蕭雙槐葉暗
藏仙閣萬柳絲長拂御橋別醕欲留江浦月歸
舟應泛海門潮鳳毛池上承優渥賜勅光榮出
九霄

別解華容

拜命辭朝出紫宸一官初受寵恩新來時共泛
西江雪去日平分上苑春彭蠡望窮懷故國洞
庭隨處是通津華容凋敝勞蘇息莫對雙松听

幘巾

祝教諭萬竹軒

軒前種竹一萬箇滿地春雲亞綠陰俗客不知
幽絕處清風長在翠微深每逢白晝聞秋籟只
恐蒼龍起夜雲欲訪此君分半席歲寒還許結

同心

示長兒種

玉署恩深雨露滋難將淺薄報明時
求田問舍非吾事績學承家待汝爲
休老不愁無地著清名只畏有人知
從來貧賤多真樂陋巷簞瓢是我師

送梁本之溧陽教諭

翰苑詞華數令兄連枝偏許擅才名
傳經已紹梁丘賀作賦應傳禰正平
路繞溧陽秋樹色舟移淮浦晚潮聲
一官莫嘆儒壇冷自有青雲萬里程

翠雲書房

丹房遙在郡城西半倚林巒半俯溪
山色入簾青靄合松陰落戶翠雲低
水邊臨帖看魚躍花外吟詩聽鳥啼
亦有江樓隣石屋苦因疎懶憶幽棲

別江紀善

十年清宦在京畿白髮蕭蕭舊布衣
鄉里衣冠

歷代詩選 明胡光
前輩在關河離別故人稀官橋細柳藏新雨水
驛輕帆背落暉我有愁心何處遣秋來日望雁
南飛

贈勳司施谷安員外除南康太守

南康出守分符重北闕掄才考績優玉佩已辭
雙闕去牙檣遙掛九江秋匡廬樹色圍山郭彭
蠡湖光入郡樓露冕臨民多暇日石門仙洞足
清遊

題源隱詩卷

憶度黃源訪舊遊滿溪花柳映山樓到門青草
還同逸遶屋白雲長不收載酒有時尋石室惜
春隨處步林丘驅馳却說幽棲好夢隔芙蓉萬
疊秋

和胡祭酒快雪喜晴

風急浮雲斷復連寒生孤館憶青瑣北京九月
先飛雪南客衣單欲換綿金闕岩堯天影近瓊
林璀璨日華鮮也知東閣多詩興謾和陽春寫
素牋

春日扈從幸北京

曉隨仙仗出時巡
聖主恩深四海春
萬馬踏雲開輦路
六龍扶日度天津
陽和布澤初回暖
別苑飛花不動塵
豈是揚雄能獻賦
空慚載筆列詞臣

送人之官漢州

萬里迢迢蜀道行
秋江遠水一帆輕
楚臺去雁雲邊影
巫峽啼猿月裏聲
經學舊傳秦博士
禮儀曾習魯諸生
到時倘見劉明府
天上交游借

別情

劉校書先生調沂州學正賦此贈別

白髮校書前座主
碧山學士舊門生
幾年睽隔勞宵夢
此日歡逢慰故情
薊北雲山留遠別
濟南風土入脩程
遠持校鐸沂州去
模楷英髦屬老成

別王子通

窗外蕭蕭竹萬竿
酒醒聞雪夜深寒
五更魂夢辭家遠
幾日風波去路難
最恨長卿猶卧病
祇

歷代詩選 卷六十五
年
憐貢禹浪彈冠明朝不盡河梁意滿日雲山別
後看

寄劉子通

蕭條煙水暗滄洲別思依依憶舊游落葉滿林
聞雁過青山隔屋見雲收窗前清夢三更月籬
下黃花九日秋欲問近來爲客况一竿擬上釣
魚舟

送黃給事中歸省

三山故郡倚天開暫得承恩日下回別夢未辭

青瑣闥歸心先到白龍臺關河雁影隨秋度京
口潮聲向夕來綵服趨庭欣拜舞黃花稱壽酒
盈杯

病起早朝蒙恩再予告三日

卧病經旬不出關今朝喜得覲龍顏立依玉笋
慚容瘦趨入金門覺步艱天語更傳三日告客
居猶得幾時閒自緣草木同榮瘁只在生成雨
露間

甲午元夕午門觀燈

歷代詩選 卷六十五
聖人端拱致中和四海雍熙樂事多玉燭麗天
明日月春風送暖入山河親逢軒后垂衣治重
聽堯民擊壤歌佳節年年陪宴樂草茹何幸沐
恩波

楊庶子雲山草堂

昔向雲山結草堂半分山色半池光讀書捲幔
雲生座掃石彈琴月到牀習靜有時惟看竹清
齋無事只焚香而今已作金門隱幽興母勞引
夢長

元夕黃庶子宅夜宴賦牡丹花燈

萬片玲瓏費剪裁明燈纔上一齊開因看色相
元如幻自識根株不用栽艷質每從春夜見光
輝疑是月中來年年此夕成歡賞豈必清歌勸
酒杯

送陳士瞻歸新昌

金門瑣闥集羣儒讎校應過漢石渠投老却辭
天府駟好賢空賦谷中駒閒門脩竹開三逕何
處扁舟入五湖追遞江南看太姥翠微千片白

歷代詩選

明詩卷之六十六

三

雲孤

石倉十二代詩選

明詩卷之六十六

西

戰錄吳民中來

示岐區自齋賦林不用殊

示文黃漁千字文宴頌出丹芬

示文黃漁千字文宴頌出丹芬

石倉十二代詩選

明詩卷之六十六

文靖集

大明

新淦金幼孜著
後學曹學佺閱

長林書屋為學士胡公賦

我昔游青原聞子廬滄洲近瞰芙蓉山遥睇大江流繞屋植嘉木開軒面良疇繁陰奪炎夏爽氣迴高秋庭除鳥雀靜白日人事幽牙籤積架上縹帙盈案頭講誦窮晝夜奮力追前修羣言極探索大小悉搜求藏修既有時俛仰隨所由

歷代詩選

明詩卷之六十六

卷六十六

一

朝吟倚窗竹夕覽登高樓援琴酌白酒盃簪聚
朋儔抽毫落風雨揮劔排斗牛一朝辭鄉校戰
藝卽見投高舉薄霄漢遠覽帝王州匡時展經
術所志在伊周清華職論思秉筆贊鴻猷步趨
邇禁闈顧問軒宸旒侍從十五載荷蒙恩寵優
去年省桑梓偶得尋舊丘徘徊撫林木感嘆非
昔遊滄波去浩浩白雲日悠悠鹿門未有期小
山不可留臨風駐遐想悵恍增煩憂因之寄圖
畫聊復寫綢繆尚期返初服白首同歸休

湖山佳趣爲黃博士賦

屏跡慕閒曠素有高世姿結茅謝塵鞅澹然心
自怡湖光涵几席山色臨書帷游魚戲文藻好
鳥鳴高枝橫琴芳樹下濯足清澗溜開樽酌美
酒揮毫賦新詩緬懷百年內誰復同襟期一朝
際休運忽與雲壑辭薦書達名姓文彩何陸離
昨來居太學橫經擁臯比羣才資樂育講論忘
渴飢出處諒不偶通顯固有時相期貴努力補
衮方在茲他年謝簪盃庶以慰相思

酌泉亭爲嘉靖吳員外乃弟賦

昔有吳刺史飲泉著清聲廉貪勵高節千載揚
芳馨與言家淦曲結屋依岩崙青山列戶牖嘉
木羅前楹流泉出砌下一碧湛泓渟齋居誦遺
訓仰止思繼承白雲蔭芳潤皓月涵虛明永日
愜幽賞俯仰挹清泠一酌祛煩慮再酌怡神形
三酌沁肌骨頻使心日清匪茲樂澹泊實以固
幽貞嗟彼寰中人胡爲獨營營沈酣嗜麴蘖夜
旦了不醒視此酌泉者寧不畏惕驚蹇予慕修

潔清華邇蓬萊幸茲遠氛濁漱滌瓊璫英凜然
對冰雪朝夕懷兢兢誓圖堅晚節補報竭忠誠
因斯發佳詠聊以寄高情

爲王侍講時彥題秋意圖

長天帶遠景絕島含秋意橋響客時過竹深門
獨閉蒼烟迥蕭瑟落日生迢遞回首大江西故
山何處是

六月廿一日立秋偶

兩日風雨過滿目皆秋意開軒灑氣回入座涼

廳至高梧響蕭蕭鳴鯛方嘒嘒端坐閱寒暑令人發清唱

雪窩爲翰林院修撰苗衷賦

泮池凍壓芹藻蒼雪窩湛湛通銀潢瓊姿玉質
炯寒素短檣碧檻凝清光蓬萊浩渺徹銀闕維
浮夢裏何殊別淨色微含冷淡風暗香連度黃
昏月當年美人尤好奇對此轉覺心神怡花明
高閣朝吟處簾捲寒窗夜映時只今遠隔西湖
側欲托山棕那可得青綾傑直玉堂深夢寐猶
疑照顏色新圖貌得重南金時來展玩清煩襟
爲君揮翰寫長句願保平生貞白心

題松鶴

薛公畫鶴藝殊絕真跡人間半磨滅玉堂退直
見新圖毛骨蕭疎渾彷彿丹砂作頂霜作翎迥
立松梢壓蒼雪試看挺特仙客姿軒昂豈是樊
籠物萬里高搏遼海風一聲清唳臨臯月忽然
振翼將遠舉雲薄天空一超越宥學池塘鷗鷺
羣啄食卑污外空潔懸知素壁玩且久似有涼

風起寥泬赤松異日許同遊借爾翱翔向金闕

秋日登萬歲山

萬歲之山高挿天遠摩蒼翠凌紫煙瑤樓玉宇
耀初日碧窗朱戶相輝鮮春風瑤草長新綠珊
瑚玉樹何娟娟鶯啼白晝出深谷縞鶴歲久巢
松巔洞門陰陰苔蘚碧石澗九曲通流泉日轉
金輿經翠巘風迴仙仗度花前天香遙散廣寒
外紫翠近落瑤池邊方壺員嶠果安在閬風瑤
圃徒虛傳偶來登覽上絕頂便欲振袂凌飛

凌飛仙坐閱天地夜不老上下日月同周旋

扈從車駕巡邊過裴村田舍與楊少傅共

酌

清朝催上道出郭聽鳴笳野水流冰澗江風漲
雪沙清談駐鞍馬小酌坐田家扈蹕慚衰邁應
憐兩鬢華

晚同楊少傅蹇夏二尚書宿田家

馬頭瞻落日尋宿過田家野老欣相得村醪不
用賒田園樂豐歲耕牧足生涯搖落秋將盡因

之感歲華

題南園琴趣

閒居慕恬曠雅趣在南園山水留遺韻煙霞隔
世喧幽蘭宜獨操大雅共誰論我亦知音者何
時一過門

禁中大雪再和魯侍講韻

凍雲壓地曉寒清剪出瑤花片片輕撩亂欲迷
鳩鵲觀霏微遠度鳳凰城湘簾半捲飛還落輦
道經行掃更平向晚玉堂光可燭細看書卷獨

分明

和若思胡祭酒至後詠懷

學省朝回無一事鈞簾坐看雪飛花故人問字
或載酒穉子敲冰時煮茶東閣十年同載筆西
江千里共思家昨朝葭琯陽初動似覺新袍煖
漸加

寄伯兄季質及諸弟

弟兄不見十餘年南北相望各一天久別故園
空有夢新添白髮自堪憐已知放浪煙霞外自

雁行詩選
明金文清
愧棲遲雨露邊愁思滿懷無處着朝回時誦鶴
鴿篇

雲山草堂爲楊庶子賦

聞道幽居近翠微好山多與白雲齊柳塘日煖
花爭發門巷春深鳥自啼酒醒每臨松下坐詩
成閒向竹間題一從射策金門去風雨年年夢
建溪

元夕午門賜觀燈

天仗森森列寶臺教坊初進鼓如雷金蓮夜放
輕寒散絳臘春融瑞氣回仙樂謾調雙玉管紫
宸頻上萬年杯傳柑歲歲承恩渥感遇深慚負
不才

花洞垂綸

桃花洞口水洞沿下有漁郎理釣船萬頃光浮
雙島月一絲晴漾碧波煙高風未許誇桐水逸
典何殊在渭川已喜飛騰霄漢上不須回首記
當年

岫雲軒爲泥田周叔昭作

平生心事只悠然杖履逍遙稱暮年長愛春光
來座上晴看雲影落簷前花開曉共網縵合窗
外晴同紫翠連亦欲與君尋雅趣投簪何日賦
歸田

松筠軒爲章仕顥作

舊在城東三畝宅種來松竹長偏成每疑蒼雪
簷間落時有涼風座上生長日持杯看鳳舞清
宵隱几聽龍鳴邇來數學君尤盛深識先天造
化情

贈王行人使安南

承恩曉出九重天王事驅馳念獨賢奉詔尉佗
煩陸賈尋源西域得張騫車書自昔通南紀聲
放于今徧八埏聖主綏懷恩似海殷勤得意在
敷宣

中秋宴集和答胡學士

直舍西頭俯禁城鉤簾坐待月華明詩題綵筆
誇先就酒注銀瓶勸滿傾蟾桂風清微有影金
莖露下不聞聲比來此會應難得且共酣歌詠

太平

正月十四夕黃侍讀宗豫請賞蓮花燈時

光大胡公席上有詠走筆屬和之

艷質娉婷巧製裁瓊枝高下一時開偏宜午夜

瑤池看絕勝當年玉井栽絳貝斜分霞影亂畫

簾低引月華來金吾此夕知無禁顛倒何妨累

百杯

題老鶴

老氣崢嶸不可羈蒼松白石舊相依海霞煖護

丹砂頂山月寒生白雪衣赤壁當年曾入夢青

田此日獨來歸也知骨格非凡種故爾摩挲思

欲飛

薊門煙樹

野色蒼蒼接薊門淡煙疎樹碧網縵過橋酒幔

依稀見附郭人家遠近分翠雨落花何處有綠

陰啼鳥坐來聞玉京盡日多佳氣縹緲還看映

五雲

都門曉望

春滿皇都淑氣清
偶來縱目一舒情
遠山漠漠平臨野
綠柳依依半出城
負郭牛羊初散牧
隔花鶯鳥自和鳴
玉泉近繞宮牆過
香霧遙從島樹生
天上旌旗迴仗影
人間簫管雜歌聲
也知聖代多恩澤
況是豐年樂太平

元夕午門觀燈應制

雲擁蓬萊五色濃
銀燈燁燁照芙蓉
笙歌一派來天上
萬歲聲中拜六龍

又

天階雪後淨氛埃
月上龍樓寶仗開
盡道聖恩深似海
觀燈都向午門來
閭闔重重夜不扃
瓊樓十二敞銀屏
東風一曲昇平樂
此夜都人盡許聽

白蓮爲樂舞生賦

秋水清涵白玉盤
露華淨洗鏡光寒
幾回欲載吹簫侶
儘向瑤池月下看

山窗夜雨

深澗垂蘿暗竹房
半枝殘燭雨聲涼
蕭條樹葉

千峰裏不獨猿聲斷客腸

附梁潛

字用之
秦和人

耕讀軒

君子貴不苟尚志審厥初所以居貧賤嗜道每
忘劬義農跡已遠至理幸未渝晨興荷耒往暮
還讀其書寸心苟有會千載仰弗殊邈矣汾水
濱悠悠鹿門居願言慎自勉高情與之俱

春日言懷

白日不可繫青春能幾何忽然一醉起落花何
其多坐看東逝水無復西流波姬孔安在哉黃
綺亦蹉跎感之忽不樂涕淚雙滂沱

述懷呈瀏陽邑教周貞

茅屋過疎雨靜夜聞江聲倦來不成寐惆悵萬
里行更闌燭屢換酒濁盃復傾偶然歡洽好遂
忘羈旅情天明出門去還望南山清

誠意堂為文江熊自誠作

端居澹無營反躬得至理嗟惟方寸懷萬化從
茲起一念尚自欺斜徑蕩無軌皇皇先聖言明

歷代詩選 明倫彙編 家範典 卷之六
明坦如砥克之妙神化率由自敬止高堂既孔
幽圖書積盈几歛情息紛馳虛襟謝塵累深造
苟弗渝上達良在此前哲日凋喪顧予亦衰止
安得攜孤桐往訪文江涘

古松流泉圖爲學士楊公作

絕壁何岌崑下有太古松飛泉漱其根交柯凌
蒼穹颯然雲氣合徃徃藏蛟龍千里起暝色萬
壑來長風高堂忽見之令我心抱融何當采茯苓
服之形神克五粒如可種千歲當還童

送蕭孟恒御史按廣東道經故鄉因託致

家書

牙冠何峩峩繡衣亦煌煌晨興出都門攬轡臨
周行使節豈不榮况乃還故鄉層樓俯丹谿佳
樹含秋芳賓親遠近至列讌湛霞觴涼風夜來
起露下忽沾裳諒無凌風翻遙望空彷徨

東里

佳景媚長川水光燦迢迢倚窗恣遐覽涼颯颯
然至黃花亦已芳幽香忽盈袂頗懷東里人簡

曠有深意萬里苦乖違三載勞夢寐佳會已云
邇中情益翹企

挽蕭處士

石火與電影著日無留光人生亦如此念之良
足傷峩峩三尺墳神歿形亦藏東風吹草綠草
色何茫茫返景不下燭泉臺夜何長我有雙明
珠撥贈何由將

漁父辭劍圖爲胡學士題

日落昭關暮煙紫東望吳中一千里江濤怒湧

如雪山我無羽翼高飛難感君意氣一回顧度
却洪波心更苦腰間寶劍能語言解贈向君肝
膽露丈夫相遇心相知傾情倒意何所疑窮途
倉皇足悲慨此去道路猶險巖水有蛟龍山有
虎知爾千愁復萬慮還君寶劍慎周防荆門路
斷魂茫茫

合州寫懷

水合交層浪峰回出翠鬟雲隨村艇去鷗趁汛
流還斗酒相忘甚寸心如此閑不應篷底醉過

却釣魚山

送人作合瀛縣

邗城東去路何處是瀛洲
落木山容瘦晴天海氣浮
車輪應暫住樽酒迭相酌
知爾才名盛微邦不久留

七月十七日 駕還自塞北

六軍歌舞上金臺
聖主親巡玉塞回
簫管遠隨雙鳳下
煙霞高擁六龍來
香飄寶鼎前旌合
表進金函內殿開
願祝堯年千萬壽
太平恩澤到

蓬萊

五色薔薇

佳種何年此地栽
繁花五色照蓬萊
彩雲不逐春風散
香霧輕籠錦障開
謾憶當時青羽佩
空餘此日紫霞杯
芳菲依舊還堪賞
鸞鶴高飛不重回

元夜陪 駕宴午門

銀漢橫空寶月圓
六鰲飛出五雲端
蓬萊紫氣天中起
玉井紅蓮地上看
滿殿嬌歌留夜景
千

門羯鼓散春寒教坊戲樂年年異願奉龍顏萬
歲歡

秋夜曲

月落河斜漏聲澁美人猶在閑塔立陡覺風來
羅袖寒滿池涼露荷花濕

又

鶯黃短褶素羅裳紫綉盤囊蘓合香深夜倚簾
愁不寐池頭忽見睡鴛鴦

山水

山外清江江外沙白雲靜處有人家船頭不是
仙源送那得飛來片花

附其瑾

字彥初
餘干人

題何梅閣仙居

迹不到城市逢人無厚顏一瓢風外樹雙屐雨
中山流水春喧確歸雲暮掩關憂時心未已祗
益鬢毛斑

題張氏竹園別業

避難疎狂客長貧少定居採芝空有曲種樹豈

歷代詩選 附甘彥初
無書擬製山東屐看馳下澤車肯容疎懶迹來
與狎樵漁

送防秋將

玉帳秋風動邊塵颯颯驚射雕輕漢將收馬過
秦城白草交河道清笳捕虜營戰裝宜卽換已
及蚤寒生

秋閨怨

惆悵下簾鉤空庭月影流錦衾成獨旦羅扇覺
先秋火煖薰籠燠泉寒汲綆脩祗憐雲際鴈傳

竹玉關愁

讀史有感

二龍遙望渺東遊弓劍蒼茫滿地愁青草空遺
雙塚月彩雲俄散六宮秋長江落日忠臣恨易
水寒風壯士羞楚漢興亡俱一夢當時何用割
鴻溝

讀文丞相傳

萬里胡天泣楚冠南雲歸計路漫漫尚留一旅
興王易不念孤兒立國難樓櫓海門西日暗劍

歌江介朔風寒九原痛憶遺黎在千載奸諛掩
泪看

讀靖康遺事

杜鵑啼老落城東烽火郊畿縱犬戎廟畧合收
淝水捷虜盟誰定渭橋功銅鉞故陌迷秋草黃
屋驚塵捲朔風一自鼎湖龍去後小臣何地泣
遺弓

題余忠宣請授兵書

大將分符自朔庭出師江漢肅南征賀蘭不救
睢陽厄無忌難收鄴下兵唇齒百年誰復恤簡
書千載漫多情西風一劍英雄淚已逐寒江日
夜聲

錢塘懷古

咸洛腥膻幾百州中原誰切祖生憂秦關壁使
星馳夕漢苑銅仙露泣秋萬苑奸諛和虜計百
年臣子戴天讐欲從故老詢遺事斗酒難澆磊
砢愁

寓舍偶題

歷代詩選 明正卷六
四海麾戎滿中原汗馬疲龍蛇傷紀歲麟鳳歎
非時土貢包茆廢邊防羽檄馳杜陵憂國念釋
悶強裁詩

題喻元良義士卷

保障聯民伍鄉亭習鼓輦檄文能倚馬舞劍每
聞雞嶺粵南踰阻關河北望迷載歌非杖杜感
慨爲君題

題陳德輝義士卷

萬姓顛虞日羣公義戰心擁兵麾白羽養士散

黃金袍賜蟠桃舊營開細柳深里門烽警息載

道凱歌音

寄洙塘高隱君

高卧東山客行年五十餘門無俗士駕家有鄴
侯書樹蔭通巢鶴芸香走蠹魚冠裳謝迎送渾
與世相疎

艾季誠自北回

行李京華舊誰知二陸賢金從金馬署幽訪玉
堂仙書待常何薦詩從賀鑑傳都將倦遊夢一

問五湖船

公孫

躍馬公孫氏荆湖舊拓疆函書隣好絕陸戟霸
圖荒城堞迷秋草樓船散夕陽龍文成五采終
古在芒碭

贈人戍襄陽

漢水荒城外頻年汗馬場舟車通饋餉部曲雜
耕桑幕府文書暇烽樓警邏長山公有愛將日
醉習池傍

題杜氏逸民卷

笑拂珊瑚樹長竿學釣魚鑑湖宜載酒禹穴舊
藏書和入滄浪曲行尋下澤車了無圭組累隨
處狎樵漁

梅溪宿徐橋隱者寓舍

不見故人久吟愁入髮絲試呼村舍釀細論草
堂詩夜雨西窗燭春風別墅棋滄洲如有約歲
晚共襟期

留桐廬知縣庠文學

歷代詩選

明詩彙編

卷六十六

七

子

竊食嚴陵郡驚看兩載餘催科憐政拙補報愧
才疎耕稼宜盤谷漁樵本孟諸閭關心百折何
幸賦歸歟

懷饒府陶郎二侯舊政

五馬爲邦日疲氓屬撫綏載歌來暮政宜勒去
思碑漢室賢良傳周人豈弟詩遺風端不泯顏
范合同祠

石倉十二代詩選

明詩卷之六十六

石倉十二代詩選

明詩卷之六十七

大明

吉水鄒 緝著

後學曹學佺閱

望嶧山

泛舟度清濟東望鄒嶧山遙遙青霞峰明滅烟
霧間石厓上突兀峭壁高巘屹魯邦峙岱宗茲
山獨相連孤桐生其陽古刻在其巔名標史籍
中事出秦漢先至今萬代後遺跡猶見存憶昔
初經過瞻望不及攀俯仰三載餘復此開心顏

歷代詩選 明倫彙編
靈蹤尚未泯白雲時往還我欲登絕頂凌風散
羽翰縱覽今古內曠然超人寰

卽事

月上碧天高夜涼清露重獨起推蓬望風生碧
波動兩岬蘆聲急一川烟景微忽聞棹歌響驚
起白鷗飛叢叢岬葦黃湫湫江波白靜夜不成
眠起坐看明月

歎楊花

輕盈不自持歷亂隨風起朝逐上林飛暮落東
流水素質徒可憐貞心不自擬感此懷益深嘆
息殊未已

行路難

請君勿言苦我歌行路難世事有翻覆人心若
波瀾布衣扼奪卿相位禍讐起自盃酒間君不
見昔時山東嗤匹夫讀書往往輕凡愚談笑強
干唐舉相搖鞭西入咸陽都一言啖秦王再言
扼范睢黃金束帶高堂居風雲變態生須臾君
不見魏其位擢漢公卿灌夫意氣排漢廷武安

歷代詩選
本在門下列拜伏跪起呼父兄一朝寵據津要
地舊時意態寧復生竇嬰既失勢潁水亦不清
狂呼罵坐何足驚咸陽市上殊無情行路難行
路難人生自古有如此何須局促增嘆聲

白楊河

白楊河下春水碧白楊河邊多估客東風二月
柳條新却念行人千里隔岍上居人纔數家茅
茨深處見桃花小婦河邊汲新水老翁門外看
雛鴉桑苗未青麥苗綠牛羊散落村墟牧行客
年年任往來居人自在楊河曲

題李陵泣別蘇武圖

漢家烟塵仍未息君牧海邊臣屈膝當時同憤
死匈奴誰料君今歸故國胡天茫茫塞草青君
歸依舊漢官榮臣身雖倚戎王貴收淚慚君後
世名

河邊柳

河邊柳昔人曾種今還有千絲萬縷搖春風年
年攀折行人手行人朝暮相經過新條無奈別

離何柔情不減舊時意舞態誰憐幽思多北來
南去知多少青青又見河邊柳不見迎新送故
情空使行人但回首

瞻雲軒爲鄱陽朱仲達賦

望親舍登高丘雲飛處心悠悠思親目斷親舍
遠遊子天涯猶未返晨昏供養既有違空望飛
雲長在眼年年商賈微微利得錢養親願親喜
何如收拾大刀頭綵衣堂前奉甘旨

送王道子周起巴遊學

新策明時不見收獨攜書劍別神州且將教雨
分湘郢應見文星近斗牛泛泚定過雲夢澤題
詩須上岳陽樓秋風遙思登臨處却望京華憶
舊遊

九日登欽天臺

高臺百尺出城頭佳節登臨散客愁六代江山
餘勝跡一天雲物自清秋石頭雁斷西風緊鍾
阜雲寒落木稠鐘磬乍聞時已暮一盃難盡強
相酬

歷代詩選

附王子與

仙源圖

洞口春垂一片雲
仙源還有避塵人
往來茅屋
渾忘歲開遍
桃花始識春
漁父已傳今
屬晉市
朝誰覺
久無秦
紛紛世代興
亡際
回首東風感
慨頻

眼暗

厭聞池沼沸
羣蛙眼暗終朝更
自嗟謾想容顏
盪覽鏡欲親
書卷奈生花

附王沂詩

字子與泰和人有竹亭集

觀泉圖

必彼泉水其清瀏瀏
既出于山亦經于丘
原則
有坎陸則有岐
汪汪洋莫知所之
奔壑西馳
經天東注夫豈性然
勢激而寓歛此涓滴
至于
尋丈隨波同流惟海
是向彼觀泉者明眸
正襟
洗耳其操濯纓其心
鳴雨林臻霏雪厓至
時不
待人圖不盡意
涑園蒙莊妙契淵默
君子人與
果行育德養正之功
有漸無已勗爾後來
是之
取爾

歷代詩選

附王子與

卷六十七

五

長

覽古

楚國憤奇士伍奢真可憐
人費無忌讒間平
王前害奢未及止
思去二子賢賢哉
子胥智乃出無忌
先弟兄永訣別父
子相棄捐鬻弓向
中使去就何翩翩
吹簫道中飯脫劍
江上船艱關歷他
境慷慨張空拳公
子不可說專諸能
解懸退耕伏中野
決策如轉圜二國
適多釁五年方
鬼宣操兵遂入郢
殺氣如霏烟不得
費少傳斬首謝厥
愆徒令楚舊君乃
辱吏士鞭報楚旣
得

志謀越復何言屬鏤
早受賜鴟革往不
還樹檟志弗遂夫
差隨上仙悲君讀
遷史今古慨悠然
送上清張叔大鍊
師東還

芒蕩有氣浮天關
真人乃在圮橋間
功成往事赤松子
心與浮雲如等閒
上清億劫玄教起
坐引諸天柔珠裏
時聞仙子御風來
身着山中紫霞綺
東海塵飛二十年
仙凡消息兩茫然
守關人識青牛去
渡海書逢白鶴前
五陵八百遺仙記
思欲攀天問天帝
三尺青萍手可揮
一品銀

章肘先繫笑把芙蓉花相期訪蓬島不見河上
公空懷橘中老大明治世龍溪秋乍來倏往應
難留月明後夜碧天淨笙鶴遲爾緱山頭

春江靜釣

白鷺洲頭春水生青山倒影碧波明閒門却掃
流塵跡深樹似聞啼鳥聲漁舟蕩漾持竿久世
事茫茫不回首釣得金鱗換酒歸夕陽正照垂

絲柳

過青原訪先侍郎勅葬處志感

賜葬憶先墳林巒鎖暮雲野鳥啼夜月石馬臥
秋氛助業悲前哲簪纓愧後聞流傳青史上翊
戴宋明君

遊青原山次隆太古謝子方

逸客淹螺浦尋僧問鷲峰水流通雪竇谷響應
霜鐘幻跡雙荆樹香風五粒松追隨成信宿感
爾意重重

又

入雲來駐錫拓他此安禪曾讀傳燈錄因叅不

歷代詩選 卷六十七 興
二天松陰山四合雲影塔孤懸消歇同人世憑
軒思惘然

江行

江柳拂危磯江花照客衣灘臨交石險山入斷
雲微樵爨春烟起漁歌晚棹歸孤禽渾睡着驚
起月中飛

小庄道中

客路千厓裏春風二月中虎蹄荒徑少鷲語故
鄉同澗水縈迴綠山花自在紅物華空滿眼去

意只匆匆

題嚴甥玄齡松軒讀書圖

憶爾幽軒好魚書久未逢高科懷五桂喬木愛
雙松流水池邊路浮雲戶外峰世家元不忝力
學待昌宗

安慶謁左丞余廷心祠

百戰孤城陷先生獨有祠勳名班左轄心膽戀
形埶已矣英雄死傷哉國步危魚沉芳草沒虎
落陰藤欹短日紆長算高風繫遠思文章傳異

歷代詩選 明王三與 八
代事業賁穹碑蘋藻遺年薦松楸過客悲乾坤
新曆數社稷舊陵夷傳入今朝史歌餘古樂詞
有懷因感激千載重民彝

登老姥山

路轉顛厓虎鼻峰上方日晏始聞鐘晴嵐密護
岩西竹香霧輕浮澗底松山果欲凋還共採林
僧久別乍相逢玩奇行遍燒丹處拾得仙人九

節筇

次仲修來韻

四海交游盡俊英一時詞藻擅聲名建安七子
惟王粲大曆諸公愛長卿野水雲晴蘭榭小山
城月淡玉簫清都將一日三秋意寫作吳歌子
夜聲

送姻弟劉子彥應辟

畫船衝雨發官河東帛微賢是禮羅天上午門
新日月海中春水淨風波經筵進講先三禮名
世登崇重四科自昔珠林推俊秀茂才承制蚤
鳴珂

幽居同劉韶賦

春泥門港雨聲多
潤浹荒畦露淺莎
石砌落梅踈映竹
鑑池流水細通河
坐深還愛青氈舊
老至其如白髮何
海內太平祈有象
詩成聊復醉時歌

送謝子良驛丞之京

水驛論交舊著名
春城分袂若爲情
空羣奇驥長千里
惜別流鶯更一聲
白下雨收梅子熟
清江風過柳花輕
歸船暫泊應回首
五色雲中是

玉京

次仲弟子啓僉憲過洞庭湖

黃鶴樓前曙色開
呂公磯上首重迴
平湖盡處青天近
積雨晴時白雁來
千古戰爭餘舊壘
百年歌舞廢崇臺
昔人總逐流波逝
猶想清風被八垓

題劉彥昭杏林春曉圖

久看林杏發雙條
每到春晴花最嬌
彩雲終日淨如拭
絳雪有時吹未消
簡方清潤浮書度
皮接

歷代詩選 卷之三
席繁陰落酒瓢舊遊回首已十載結實累累須
見招

寓京有懷舊友歐陽明善

南平城裏舊相聞
覺海橋西喜遇君
泉石開心同止水
湖山往事付浮雲
別離久佇雁鴻信
寤寐常懷鸞鶴羣
松竹烟霞清藹藹
藤蘿霜月白紛紛

黃堂冬夜詞二首呈全子仁大叅

簾底移琴錦幄張
梅花枝上月如霜
羽書忽報

諸州捷鼓折珊瑚一寸長

又

茜色紗籠絳蠟殘
綺窗斜月轉雕闌
當筵賦得陽春曲
喚取銀箏按拍彈

仙源秋曉

遠是青山近是林
仙源秋色雨中深
前溪不是桃花水
縱有漁郎無處尋

附葉槩詩

字貫之吉水人

途中述懷寄張憲副用中李布政昌祺

北闕黃門客南宮粉署郎姓名傳海宇事業紀
旂常夕殿垂青瑱天書滿玉堂新詩浚鮑謝妙
翰繼鍾王視草詞林久承恩紫禁長遭逢懷聖
主眷顧荷儲皇瑚璉宣廊廟棟楠具棟梁分符
辭上苑持節去遐荒疋馬炎蒸路雙旌瘴癘鄉
豺狼曾遁跡鷹隼已飛揚桂嶺開秦室蒼梧拓
漢疆野人踈制度蠻俗少冠裳曉白溪多霧冬
青樹不霜四時榕葉綠尺布野蕉黃春水封川
碧寒梅驛路香扁舟登古刹萬里謁潮陽交誼

君偏篤鄉情我自傷別離寧有恨會合豈能忘
傾蓋酬知己分簪限各方明朝故園雨回首思
茫茫

送高苑教諭萬宗海考滿之京

送別金臺去迢迢路幾千山青鍾阜雨草綠薊
門烟行李惟雙劔清風祇一氈銓曹如有待允
矣莫遲延

除夜有感示十弟槃

迢遞踰東廣滄茫又歲除自從辭故里不見有

歷代詩選 卷六十七 二百廿
家書風雨恒懷汝艱難誰念予江南親白髮安
否近何如

耕樂

我愛躬耕樂生涯百畝田曉翻溪上雨夕破壟
頭烟禾黍青山外桑麻綠水邊官租輸已畢斗
酒醉殘年

雨後江行

早出餘杭郭微茫曉色開畫船江上別綠樹水
邊迴酒爲離人勸詩因細雨催故人凋謝久惆

惻不勝杯

除夜胥江小酌柬李昌祺張用中

除夕胥江夜泊船短篷疎雨集羣賢建炎勳業
張忠獻天寶詩章李謫仙水國臘梅寒吐雪山
垣榕樹晚凝烟故情且盡樽中酒莫嘆飄蓬又
一年

送傅僉憲啓讓還河南

急乘驄馬至宜陽曾見烏臺六月霜回首又成
三載別相思空有九迴腸范滂攬轡名偏重郭

歷代詩選

明樂貫之

卷六十七

三

字

歷代詩選 明集黃本
賀褰帷政獨良四海只今同聖化莫教當道有
豺狼

謁齊山翠微亭

石尤終日阻行期遙上齊山謁翠微石徑崎嶇
荒草合野亭凋謝落花飛當年賦詠人何在此
日登臨事已非却憶樊川千載後不勝愁絕對
斜輝

送布政劉俊還廣西

薇垣官滿正趨朝南北寧辭道路遙奏政九天

沾雨露鳴珂十月下雲霄青楓葉落秋聲早黃

菊花開暑氣消重到桂林宣聖化遠人安堵樂

漁樵

和蕭布政省親客中有懷

衣食京華已十春多愁豈是爲家貧恩深未得
酬明主才薄惟慚負老親薊北鄉書秋後少江
南歸夢別來頻白雲惆悵孤飛處日斷天涯有
幾人

謁磨崖碑

歷代詩選

明集黃本

卷六十七

七

翠竹黃蘆兩畔秋磨崖碑下暫維舟一時人物
俱消盡千古江山獨此留刺史文章垂宇宙平
原翰墨重琳瑯欲詢往事今何在惟有瀟湘徹
夜流

登岳陽樓

巴陵城上岳陽樓樓外長江日夜流簾捲斷雲
衡岳地窗寒殘雨洞庭秋東南勝槩留清賞唐
宋衣冠嘆昔遊倚徧闌干重吊古蒹葭零落不
勝愁

小孤山讀先君石上詩有感

長江滾滾自天開一柱中流獨壯哉山接匡廬
隨雁盡水通淮海引潮回高低題詠今猶昔上
下帆檣去復來讀罷先君舊詩句故園東望不
勝哀

送楊學士弟歸閩

東風紫陌滿城春斗酒那堪獨送君天上暫分
鴻雁影原頭誰念鵲鴿羣文章海內推蘇軾孝
友閩南讓史雲後夜連牀應有待玉堂風雨細

論文

餘杭哭鄒少保先生

天生白首際明時事業文章早見知
模楷兩朝黃閣老衣冠一代漢威儀
太常考德新增諡聖主懷賢為建祠
欲弔孤墳何處是鳳凰山下草離離

嘉興天寧寺哭 仁宗皇帝

昔捧天書出九重春風金殿語從容
當時有志陳三策此日無由竭寸忠
四海哭傳遺命詔千

官悲慟大明宮小臣一掬傷心淚
洒向吳江恨不窮

元夕

翠擁金鰲拔地開銀燈火樹絢蓬萊
層層寶塔雲霄出疊疊神山海上來
歌管徹霄催禁漏香車填路動春雷
昌期同得昇天樂齊獻吾皇萬壽杯

望湖亭與李布政張憲副同登

欲向番禺泛去舫停舟來上望湖亭
當堦秋色

生簾幙隔竹濤聲落戶扃水接九江通楚碧雲
連五老入湖冥與君明日京華路早嘆浮生跡
類萍

環清軒

新築幽軒俯碧漪一泓澄澈洞無涯寒流曉浸
蓬萊島秀色秋涵太液池入座水光生几席隔
窗雲氣上簾帷閒居盡日渾無事惟對青山獨
賦詩

蘭亭懷古

蘭亭宴集自豪華內史風流逸興賒曲水流觴
雖有路茂林修竹久無家夕陽幾度空啼鳥夜
雨千年自落花此日西曹看圖畫雲山彷彿舊
烟霞

湖州天寧寺

菰城官暇扣禪關蘭宇蕭條屋幾間石上苔深
雙塔峙山中晝永一僧閒梅風釀雨春長在野
樹巢烏晚自還昨日藍輿曾過此不知人世有
塵寰

送同年史郎中隨李少保征交趾

將星北闕暫辭朝
遠別龍江折柳條
京國昔年同擢第
交州萬里獨乘輶
談兵幕府秋風動
草檄轅門瘴雨消
獻捷天庭應有日
功名不數霍嫖姚

龍岡深雨為刑部員外莆田黃常祖題

南望閩關道路長
一坏黃壤在龍岡
三冬西帶誰供事
千里驅馳祇自傷
荆棘叢深春後雨
秋梧樹老臙前霜
錦衣得遂歸榮願
隴上焚黃

有光

煮雲軒

侍講歸來禁籞東
雪花如席捲長空
呼兒近掃堦前白
掃竹遙分鼎內紅
真率宛同陶令興
麤豪應薄黨家風
天公肯借調和具
化作甘霖萬物豐

清風軒

幽軒種竹已成林
一榻涼風半畝陰
湘水月明看鶴舞
渭川春曉聽龍吟
簾前翠色涼侵席
窗

歷代詩選 明葉貫之 卷六十七 十一
外秋聲韻入琴莫學東園桃李質榮枯易改歲
寒心

春日同布政周公仲楨叅政葉公景暘遊
虎丘寺總餞金侍郎養正

上方樓閣遠塵寰此日登臨興不慳山鳥亂啼
遊客去林花爭發老僧閒高墳細草荒崗上孤
塔斜陽碧漢間惆悵同袍今又別何妨斗酒笑
朱顏

武昌懷古

鄂州城郭古塵寰人物升沉自去還往事謾傳
鸚鵡賦荒崗空見鳳凰山六朝烟樹啼鴉外三
國豪華碧草閒欲採江蘼來弔古西風浙瀝水
潺湲

題高公器仰高樓

西山萬仞倚層樓十二闌干翠黛流崔顥題詩
誰復繼元龍高臥孰能儔朱簾半捲聽風雨繡
戶平臨看斗牛此日憑高清興足爲君呼酒共
相酬

過城陵磯吊錢僉憲稽稽被溺于此

城陵磯下水如苔誰料鮫宮卽夜臺驄馬去時
應復返鯨魚騎後不魯回身隨浪影孤魂遠恨
入湍聲萬古哀此日停舟爲揮泪楚招歌罷獨
徘徊

石倉十二代詩選 明詩卷之六十八

石倉十二代詩選

明詩卷之六十八

古崖集

大明

崇仁吳溥著
後學曹學佺閱

別石彥誠同年

別子之官去欣然一笑辭韶華新歲久心事故
人知酒勸臨行日花迎到任時琴堂春晝靜民
吏恨來遲

騶虞

曠代空聞義獸名盛時方覩貢神京千年瑞應

歷代詩選

明是德閣

卷六十八

一

葉龍

從天降五色文章炫日明香霧晝眠靈囿暖落
華春踏玉堦晴西周仁厚今猶昔願把周詩日
載賡

題敏求齋

人生天地間歲月能幾何厥躬匪自勵奄忽成
蹉跎三墳自古雅力學尊丘軻齋居務時敏夙
昔心靡他泉流雖涓涓萬折輸江河山基一簣
初終見高嵯峨昭然明鑑內萬象同森羅求之
諒非難所貴工磋磨曩昔敏求志結屋南山阿

讀書期有成誓不隨頽波及今向華髮也負初
心多寄言謝王生我詩須咏謠

送人還廬陵

來時梅始華歸時梅也黃送別臨江頭別懷江
水長君家廬陵西我家臨汝潛平居相借問爲
寄長相思

題金華宗原常雙溪洗藥圖

洗藥臨溪頭水流溪尾香居人飲溪水百年躋
壽康石路曲盤蛇山花如錦黃日暮攜藥歸香

風滿衣裳

送人還江右

凍雪春始晴楊條未堪折把酒送君行匆匆與
君別君別幾時來來時關我懷青雲共談笑高
步黃金臺

戲筆奉寄歐陽令

昨日到監前如何不相過我病君復老眼中能
幾箇有酒須共飲有詩亦同和懸榻待重來寧
辭夜深坐

題嚴吏部聽軒

峨峨構層軒籊籊種修竹晴色入簾幽涼陰覆
簷綠羨彼軒中人消閒絕塵俗公堂退食餘時
聞曼蒼玉鏘然鳴復止瑟瑟斷還續清如秦女
簫怨若湘妃曲又疑海濤翻天外濺飛瀑錚錚
響金鍔軋軋動車轂須臾忽大作雷雨震山谷
深林獸奔駭高樹鳥驚宿凭軒歎息久月色皎
如燭萬物固如斯動極靜乃復秋高夜沉沉清
賞時白足

寄樂分貞素二友

故人久不見新夏候已臨林雨留宿潤庭槐匝
繁陰昨夜夢故鄉歡然盍朋簪青燈共酬酢耿
耿論夙心覺來遠相憶愁嘆日以深何由命吾
駕千里遙相尋

賦甘羅城贈王紀善可貞

甘羅年少天下稀當年籌算孰能違燕丹旣歸
趙城入諸侯日瘠羸秦肥秦皇勳業連四海東
望淮陰小如帶當年曾此築高城留得千秋舊

名在竹籬茅屋三兩家垂楊夾道鳴雛鴉人間
歲月驚幾換昔時城郭今桑麻雙旌搖搖指東
魯此日登臨重懷古丈夫須作遠大期出處肯
與常見伍臨淮五月新雨涼薰風滿路紅蕖香
笑談指點王國近浩歌一曲凌蒼蒼

捕魚圖歌

官河雨後春水渾夾河兩畔皆漁村捕魚但願
魚課足風波雖險寧復論大魚無多趁時賣小
魚連船賤如芥大魚賣錢須納官小魚得錢還

歷代詩選 明史循淵
酒債漁郎捕魚莫厭貧官河魚米朝朝新勸郎
莫厭漁業賤古來亦有非常人

愛竹軒歌

吾家種竹不知數箇箇生時塞行路鳳尾離披
拂曉風龍角參差出寒霧春風五月新雨晴載
酒日日尋幽盟涼陰萬壑激寒玉清吹滿空鳴
紫笙嗟君於此忠愛久白髮相看勝賓友嗜飲
能容太守前哦詩欲繼淇園後我曾看竹來林
下高捲紅醅臥深夜風雷倏忽破層霄知是嘗

年老龍化

送錢習靜還西江

霜風吹人如箭射曉日秦淮送歸客山色初回
雪後青梅花早放春前白使君清望山斗齊歸
帆遠指大江西玉堂愛弟最奇絕錦帶贈送多
新題君從少年耽古學老大寧堪久林壑千年
紫氣爛長如萬仞青雲誰企若扁舟曉發寧肯
遲問君此別來何時南還驛使南枝好早晚但
寄長相思

南臯歌

邑南佳趣人罕知處古得之心自怡草堂邀我
酌新酒索我爲賦南臯詩我登南臯常頓足自
說南臯勝盤谷山色長留萬古青水聲寒瀉雙
溪玉東風昨夜新雨晴隔林幽鳥鳴嚶嚶書燈
未輟曉窗讀負耒復課兒童耕南臯人家若城
市南臯風景清如水每着青衫坐綠苔何須秋
風紉蘭芷我道南臯已十春日與處士情相親
歌終不覺成放浪掉臂直欲超凡塵

思鴛鴦詞

美哉乎雙鴛鴦羽毛粲粲昭文章菰蒲滿溪秋
水香他處不虞方弋傷來來往往雙飛翔不覺
人間輕別離夫南妻北愁斷腸不學世人思義
乖始終向背情無常日長穩睡蘆花傍同生同
死無相忘樂哉乎雙鴛鴦

送曾孫謀通判之官廉州

莫道炎荒遠秋深正好行海天涼雨潤山郭瘴
烟清問俗民無訟看書日有程洛沂家訓在不

應仁詩選

明吳衍清

愧魯諸生

送鄭指揮赴任

萬里來西蜀人稱蓋代雄
指麾無失策談笑有奇功
騎賜龍媒駿衣裁獸錦紅
逢人問兵甲百萬在胸中

秋興

力困謀非拙愁深髮欲華
一身今許國百歲任無家
宮柳仍含翠秋槐半着花
長吟聽踈雨清思繞天涯

別石彥誠同年

別子之官去欣然一笑辭韶華
新歲久心事故人知酒勸臨行日
花迎到任時琴堂春晝靜民吏恨來遲

挽胡敬方

白頭登貴日獨行冠羣英
世誦伯夷傳人知司馬名顯揚
期令子紀述付諸生每說朱衣事
令人恨不平

玉堂齋宿

歷代詩選

明吳衍清

卷六十八

六

人

獸爐香冷畫簾垂坐覺中宵淑景移天近玉堂
人語靜月高金闕漏聲遲棋臨殘局機尤密詩
到終篇句益奇但願年年共今夕清歡長不負
心期

騶虞

曠代空聞義獸名盛時方覩貢神京千年瑞應
從天降五色文章炫日明香霧晝眠靈囿暖落
華春踏玉階晴西周仁厚今猶昔願把周詩日
載賡

題松溪圖

溪頭流水繞光寒溪上長松雪未乾無事儘從
閒處樂有書時向靜中看風迴陰壑泉聲急月
轉清窗樹影團幾度客來門未啓呼兒急爲整
衣冠

送左仲武還臨州

擬峴臺前江水深故鄉日夜繫歸心細看游子
斑斑服總是慈親密密針雨後叢蘭含紫茁日
長修竹轉清陰家庭勝事皆堪樂到日先須寄

好音

送翁教授之官安陸

聖朝清選屬儒冠
鳴鐸俄聞向德安
講席晴薰花氣暖
臨池秋景墨光寒
興來細和菁莪什
老去仍甘苜蓿盤
更羨華堂栽五桂
花開長共故人看

十二月廿四日宿呂梁洪是夕風雪大作

賦此以慰岑寂

洪河風雪浩漫天
客裏逢春倍惘然
白首爲郎

過六郡憂心報國願
千年醉題詩草仍須改
坐看燈花詎忍眠
料得閨中小兒女
焚香日日卜歸船

別鄒宗獻

宦路驅馳已十年
言歸此日與翩翩
山田稻熟堪爲酒
野澗魚肥不取錢
花徑雨晴宜散步
松窗日午任高眠
家藏更有新圖在
留與雲來百世傳

白髮

陸九思詩選

明吳憲問

卷六十八

守

鬢髮今全白應無再黑時晴窗縮新沐拾得幾
莖絲

自嘆

一榻寒如水蕭然坐夜深衰顏無藥駐病骨怕
寒侵

又

去鄉三十年顏貌總非昔昨日鄉人來人人不
相識

吊外姪戴積善

遠樹千重暗江聲日夜哀鐘山山下路不見汝
重來

挽胡敬方

白頭登貴日獨行冠羣英世誦伯夷傳人知司
馬名顯揚期令子紀述付諸生每說朱衣事令
人恨不平

玉堂齋宿

獸爐香冷晝簾垂坐覺中宵淑景移天近玉堂
人語靜月高金闕漏聲遲棋臨殘局機尤密詩

歷代詩選

附劉伯序

到終篇句益奇但願年年共今夕清歡長不負
心期

岳陽樓圖

昔年會上岳陽樓高宴湖湘五月秋老去却從
圖畫看故人誰似舊風流

送人遊北京

萬里扁舟一葉輕春風移棹過金陵百年鄉思
知多少半是江湖夜雨聲

附劉秩

字伯序豐城人有秋南集

懶拙詩為韓副使作

陶侃勤運甓君獨以懶稱公輸巧獻技又胡以
拙名一有為已病况復懶拙并無乃假其義遂
此曠達情任懶非汲汲守拙無營營動止付天
定得失鴻毛輕視彼流俗中自然分濁清

裁衣行

裁衣須裁短短衣短衣上馬輕如飛縫袖須縫
窄窄袖袖窄彎弓不礙肘短衣窄袖樣時新殷
勤寄與從軍人願郎着衣便弓馬破敵長驅古

歷代詩選

附劉伯序

卷六十八

才

歷代詩選
城下

東湖女

東湖女兒髻縮鴉
清晨結伴來西家
碧羅裁衫照秋日
香酥暈臉明朝霞
儂家住在在大堤
曲幾度采蓮湖上宿
江南遊客最關情
相思一夜秋波綠

望夫磯

望夫磯頭石如虎
望夫磯下浪如鼓
于今不見望夫人
徒使行人感前古
行人心事莫悠悠
亦

有佳人樓上愁
願使此心如此石
行人遠遊歸有日

和孔侍禮韻

百里京城接暮煙
依稀景物似秦川
棟花落處風飄樹
魚子來時水滿田
賈客蒸帆天際落
野人茆屋樹陰連
袖中間却經綸手
擬向槎頭釣巨鱗

雪溪為高理問賦

一道清溪遶屋斜
朔風吹雪正交加
九天夜凍

歷代詩選 明劉伯亨
銀河水大地春回玉樹花寒透竹簾欺酒力冰
消石鼎煮茶芽高人風致清如許未遜山陰處
士家

贈淮安府知事兼寄經歷

柏府馳聲冠六曹又加春色上恩袍畫船載雨
過淮甸蓮幕迎風看海濤王命抵今寬賦役邊
庭從此息刀弓到官煩語饒從事欲寄新詩愧
暮臯

寄秦文仲

高任婁東老歲華近緣何事更移家謝公昔辦
登山屐張客今來泛海槎沙浦寒霜肥紫蟹野
園秋雨熟黃瓜五株笑傲遊閒趣三徑歸來看
菊花

秣陵懷古

別家楊柳正依依回首西風木葉飛鄉夢已隨
雲北散客心先逐雁南歸三秋邊境仍烽火九
月征衫尚絡衣莫向窮途歎牢落料應青眼故
人稀

其二

秣陵風物近如何
兵後登臨感慨多
雲淨石頭秋嶂出
月明淮口暮潮過
離人暗滴青衫淚
商女空懷玉樹歌
忽憶舊時驄馬客
于今白髮老山阿

其三

酣酒狂歌思欲飄
久從江國駐蘭橈
芙蓉隔浦聽秋雨
楊柳長亭看晚潮
過客有時來問字
美人何處覓吹簫
題詩欲寫慇懃意
搔首西風雁

影遙

野牧子卷

釣渭耕莘事若何
爭如牧子在林阿
橫吹短笛風欹笠
倒跨歸牛雨濕蓑
海上嚙瓊持漢節
山中扣角起商歌
長途我亦歸休者
更擬爲樵入薜蘿

題僧秀北宗竹深圖

萬箇琅玕遠俗氛
上人趺坐畢朝曛
秋陰覆地長疑雨
寒色浮空半是雲
開徑乍看通窈窕
題

詩頗得挹清芬東林淨社如堪結客我蒲團半
席分

奉和石門梁先生原寄韻

掛冠歸隱謝朝班天闕龍鱗不復攀林下一蓬
冬聽雪樓中半榻日看山宦情流水蒼茫外詩
思飛雲縹緲間幾度相思清夢裏皤然鶴髮映
童顏

朱夢炎

字仲雅進賢人
仕至禮部尚書

和顏子申韻

曾折蟾宮第一花西風吹袂向天涯班生萬里
空投筆漢使三秋獨泛槎朔漠離愁成白髮南
州鄉夢起清笳歸來耻學梁江總只傍青門老
種瓜

謝黃孔曼惠圖書

寸玉方平史籀文遠煩持贈意殷勤非因墮鵲
磨礱出應自雕蟲篆刻分自此姓名垂宇宙慚
無翰墨入風雲春明日啓芸香笥一度封題一
記君

歷代詩選
舟次采石和聶原濟韻

蛾眉亭下遠帆開
春酒香濃琥珀杯
詞客浪傳鸚鵡賦
舟人遙指鳳皇臺
金陵王氣千年在
銀漢仙槎八月來
明日九門稱獻納
五雲多處限蓬萊

失鶴

翩翩老鶴逐飄風
暗度秋雲幾萬重
遼海歸來空有夢
鷺山去後更無蹤
思從赤壁舟中見
恐向華亭月下逢
丹頂霜毛成悵望
不知何處更

寫韻軒

華籍仙班誤泄機
何年謫降學書癡
晴窗滴露花堆案
午夜揮毫月滿帷
縮得春風留鳳帶
畫殘秋水照蛾眉
從今了却人間事
一曲鸞簫跨虎吹

錢塘西湖

萬里煙消一鏡空
水光山色畫圖中
瓊樓燕子家家雨
錦浪桃花岼岼風
畫舫舞衣凝暮紫
繡

簾歌扇露春紅蘇公堤上垂楊柳尚憶重來試
玉驄

訪道者不遇

何處尋芝去未還空留雙鶴守玄關
殘碁無主石枰靜舊藥不春雲
碓閒流水落花香冉冉古壇春
蘚碧斑斑尋君不遇空歸去看
徧長松雨後山

送人遊西湖

吳越山川勝槩多彩雲樓觀鬱嵯峨
芙蓉日照

蛾眉影楊柳風生翡翠波楚客移舟
頗見問吳姬抱客肯相過片帆明日
江東道尚憶樽前對酒歌

送日本國僧

扶桑日本海東南一統華夷聖化覃
杯汎鯨波三萬里經翻貝葉五千函
焚香曉禮黃金闕錫時尋白石龕
佛法如天同廣大青山隨處卽瞿曇

石倉十二代詩選

明詩卷之六十八

歷代詩選 明倫彙編

凡精者之

蜀墨

驗却尋白谷禽跡去咬天同觀大青
三萬里懸懸貝葉正午西焚香熱斷
井桑日本我東南一絲華夷望外單
增春我日本國節 若不遇空歸去看

源經

蹴蹴容肯跡蹴蹴蹴蹴日正東嶺尚熱熱前樓
蹴蹴蹴蹴風生悲翠如焚容跡良熱良問吳

石倉十二代詩選

明詩卷之六十九

願菴集

大明 南昌胡儼著
後學曹學佺閱

述古

圖書出河洛義禹闡幽玄列聖繼有作人文日
昭宣仲尼感鳳鳥至理寓微言自從秦漢來但
見枝葉繁寥寥千載後濂洛探其源紫陽其條
理垂裕啓後昆前修去已遠來哲未有聞瑰辭
逞葩艷寧復還本根

歷代詩選

明明告思

卷六十九

一

虛竹言選

又

蒼龍既訖錄炎劉勃以興詩書煨燼後禮樂倅
難徵區區叔孫子莫能致兩生守文過謙讓俗
吏事章程賈董失經紀二戴紊遺經遂令千載
下擬述徒紛爭二儀有定位八風無姦聲公且
去已遠萬世思典刑

又

屈子變風雅騷經寓孤忠光華竝日月耿耿垂
無窮後賢襲軌轍長卿得其宗招搖臨邛市

曠托絲桐淳風日以靡齊梁更織穠遠遊謝紛
濁超逸等冥鴻

雜詩

大化運無極四敘迭終始茫茫堪輿間萬物羅
戢裏青陽振其華玄冬抱根抵物理有盛衰人
生貴知止謙光乃自卑至善誠若水昧者徒紛
紜達士甘窳咎孰云楚大夫沉江為至理

又

神龍絕嗜欲靜默藏深淵含和抱真陽珠光燭

歷代詩選

明月詩思

卷六十九

七

重玄一朝吐雲氣其澤沛九天夭矯煙霧中變化出自然孰知積精至造化為控搏如何勞生者役役事多端豈復念終始宇宙浩漫漫

又

倉庚鳴幽谷伐木正丁丁春風日載陽時聞求友聲若有一文士促膝論平生對面抗高義中心藏甲兵薰猶不同器美色徒傾城世無會心友獨立何皜皜安得玉川子為爾著門銘

居庸關

出京都兮穹窿雄關峙兮居庸蒼翠兮蒙茸紛苒苒兮遠風城巍巍兮兩山臨玉塞兮跨高寒車麟麟兮結駟風蕭蕭兮木葉殷淙懸崖兮珊珊恍鳴琴兮清彈聞仙人兮昔降遺玉枕兮不刊召韓生兮肅之乃顧余兮一粲駕黃鵠兮高飛翔薄層雲兮入霄漢皇風暢兮八極蕩胡塵兮滅熄邀浮丘兮賦詩歌四海兮寧一

過盧溝

洪流兮桑乾汨盤析兮河灣架石梁兮橫波瀨

淺淺兮激湍白石兮齒齒際平沙兮浩漫攬余
 轡兮東馳望天門兮九關雲飛飛兮來迎水泠
 泠兮山青回颺度兮遠響生木夢夢兮鳥鳴聲
 余欲訊兮九河碣石峙兮嵯峨渺滄海兮無極
 悅凌風兮浩歌

續十二辰

鼯鼠飲河河不乾牛女長年相見難赤手南山
 縛猛虎月中取兔天漫漫驪龍有珠常不睡畫
 蛇添足適爲累老馬何曾有肉生羝羊觸藩徒

念憶莫笑楚人冠沐猴祝雞空自老林丘舞陽
 屠狗浦中市平津牧豕海東頭

折楊柳歌

昨日看花開今日花已披苦心獨徘徊折楊柳
 流光如逝波韶華詎能久

又

燕燕羽差池銜泥巢畫梁雙棲復雙飛折楊柳
 郎去武陵遊還憶閨中否

又

寶鏡久不磨塵翳如浮雲熒熒當奈何折楊柳
中心徒自知寧復論妍醜

四時詞

春風吹簾斜簾開飛柳花美人高堂上見此惜
年華年華容易隨春草一雙娥眉鏡中老

又

碧水汎迴塘新荷艷曉妝看花臨綺楹愛此雙
鴛鴦鴛鴦宛轉迴塘路相對朝朝還暮暮

又

秋露白如玉梧桐墜寒綠文犀鎮錦帷紅淚消
銀燭銀燭輕搖翡翠煙孤影熒熒夜不眠

又

落葉深閨靜露零宵鶴警玉井凍無聲夢回寒
夜永夜永銅龍漏幽咽小窗斜轉梅花月

白紵歌

昨日之日不可留飛光迅速如波流嗟嗟少壯
終白頭願及芳時往遨遊吳姬當筵歌白紵清
絲急管間宮呂妙舞低回玉杯舉如何不樂空

歷代詩選 明 胡 荊 照
延佇堂前花開艷春陽錦屏圍暖羅綺香搥鐘
考鼓宴高張美人起舞紅袖揚蒲堂欣欣樂未
央但恐一夕秋風涼空自徘徊明月光

江南意

暖風吹游絲飄揚無定向若將比郎心郎心更
惆悵看彼芙蓉花那能媚春華含晴照秋水孤
芳徒自嗟

結髮行

少小爲夫婦結髮誓偕老如何中道間棄置不
相保抱恨匪良圖憂心徒慄慄世上應無連理
枝堦下偏生斷腸草殘妝收玉鏡幽意托瑤琴
寂寞深閨裏誰聽白頭吟

遠將歸

去年與郎別楊花飛白雪今年候郎歸楊柳綠
依依聞郎買船下湘渚日日門前望行旅行人
過盡乳鴉啼徘徊日暮空延佇攬衣回洞房對
鏡下新妝那知清漏永但愛明月月光月光照席
涼於水帳裏燈花撒紅蓋好事從來不浪傳明

日升堂報姑喜

妾薄命

妾薄命聽妾歌夫婿輕別離妾心當奈何山有
虎豹水有蛟螭川塗邈悠曷云能來朔風吹衣
雨雪霏霏洞房慘慄神棲色衰吁嗟乎妾顏雖
改兮妾心不移

竹枝詞

湖上聞郎歌竹枝湖中蓮艇便輕移畏言郎渡
瀟湘水莫待荷花空淚垂

楊柳枝詞

畫樓前雨歇時千絲萬縷綠垂垂無端却被
風吹起撩亂春心不自持

三臺詞

一陣霜風乍起半窗月影初斜寶匣燒殘香篆
銀缸落盡燈花

又

坐穩錦茵重疊醉來烏帽欹斜誰遺青娥闌月
自憐銀燭生花

次韻胡學士春日陪駕遊萬壽山

扈從宸遊日祥雲夾道紅香風傳別殿飛蓋繞
行宮翠滴千巖滿波廻一鏡空忽看鸞鶴起聲
在半天中

又

澗道蒼苔合房櫳繡戶分碧淙晴欲雨錦石煖
生雲嘉樹千尋秀靈蒲九節分廣寒宮闕近天
語半空聞

又

雨晴山色好太液暖浮春瑞鯉遙吹浪飛花近
着人列筵深帟幙載筆煥絲綸願繼周南頌騶
虞詠至仁

又

玉梁凌漢遠朱榭入雲高曲水含蒼霧孤峰聳
翠巖路廻經月殿賦就賜春醪盛事千年遇登
臨豈憚勞

送金諭德扈駕北征

萬乘出居庸前驅度朔風劒光飛電紫旗影照

山紅壯士心如虎將軍氣似虹鼓聲通塞外烽
火入雲中直掃祁連北還過瀚海東謀謨資俊
傑扈從得才雄坐擁青絲騎腰懸明月弓賦詩
橫畫槩載筆侍行宮野曠氛初淨沙寒雪未融
班生終滅虜漢室陋和戎夜靜妖星落春歸大
漠空從茲億萬歲聖德詠無窮

二月一日早朝

曠曠初日曙光遙鐘鼓聲傳下九霄萬國衣冠
趨象魏兩階千戚奏劄韶天清華蓋雲中見風

煙仗外飄朝出金門還北望鍾山蒼翠正
岩崑

秘閣書事簡諸同志

秘閣清嚴接觀臺九重佳氣護蓬萊宮墻樹近
鶯聲度金水芹香燕子來行傍朱欄吟細雨坐
分瑤席絕浮埃太平無事多休暇忝列詞林愧
不才

元夕侍宴

風清華月麗晴空湛露筵開聖澤濃燈火遙連

丹闕外簫韶只在絲雲中九重瑞靄浮金雀萬
樹銀花璨玉虹光祿傳宣催進酒烏紗都映醉
顏紅

闕子啓行卷

扈駕從容上北京東風千里馬蹄輕行宮日暖
花爭發御路塵消草正生烏帽趨朝晨載筆紅
旗分隊晚催錚歷觀卷裏多佳製端有才華歷
長卿

題林郎中扈從行卷

六龍飛馭度行宮煙火人家萬里同仗外馬嘶
春草綠堤邊花映暖雲紅考功今日推韓愈愛
客當年說孔融扈從北來多俊傑仙郎詞賦喜
偏工

次韻答胡學士塞外見寄

塞草初過春未動歸來應見綠紛紛橐弓幾對
龍沙月退食須瞻鳳闕雲喜有音書來遠道好
將勳業繼前聞禁垣自昔稱頗牧不獨胸蟠錦
繡文

朝回喜雪卽事

闕下朝回散錦鞮窗前獨坐擁吟氈一爐松火
春生席萬點璚花雪滿天臘蟻泛甌傾綠醕香
狸載俎割紅鮮微才碌碌嗟無補飽食徒今愧
俸錢

元日朝回試筆

鐘鼓聲長欲曙天雞人唱漏綵雲邊彤庭簇仗
森儀衛玉殿開簾散御燿春色九重瞻舜日嵩
呼萬國頌堯年華夷錫宴覃恩澤醉後宮花壓

元夕侍宴

寶山凝翠玉樓前火樹銀花照御筵羅綺香濃
春色早琉璃影碧夜光懸翩翩鸞鶴來三島燦
燦星河下九天一派笙簫綵雲裏好風吹送萬
方傳

和魯學士扈從獵陽山

曉隨萬乘出城東列校分屯部曲同雲裏六龍
移綵仗風前一雁落彤弓露凝松栢垂垂白日

映旌旗獵獵紅遙見下綏傳令發將軍飛騎總
英雄

瓊島春雲

萬歲山高玉作臺卿雲垂彩畫圖開九重天上
從龍起太液池頭伴鶴回松靜晚煙同縹緲花
深晴影共徘徊何須更說蓬萊境不是飛仙不
肯來

金臺夕照

斜日高臺散綵紅遙天極目思無窮迢迢關塞

欲落外簇簇山河錦繡中鴻雁數聲催暝色牛
羊幾處散秋風黃金銷盡人何在青史傳來事
不空

題朱源永桑洲卷

芳洲宛在水中央不種閒花只種桑戴勝降時
春雨足吳蠶熟處夜燈忙幽風王業開千載河
漢天孫漫七襄願借縲絲三百丈虞廷先織舜
衣裳

詠夢

歷代詩選 明古者思 十一
林扉無客晝常關數卷殘書已倦看芳草池塘
春寂寂華胥風日路漫漫枕邊未必迷蝴蝶耳
畔都來鬪觸蠻欲問希夷求秘訣華山高處不
勝寒
村居卽事
天上歸來葺敝廬買松移竹事幽居喜從鄰里
團新社得教兒孫讀舊書芳草池塘清漲溢落
花門巷綠陰初莫言疏傳金都盡素手親知樂
有餘

重遊道德觀留題

老我重來六十年當時道者夏雲巔眼中遺像
還依舊物外閒情尚憶前但見銀牀梧葉下空
聞碧落黍珠懸如今已動麻姑感何待方平更
惘然

願菴卽事

老去無心到處安一菴容膝足盤桓且教隨地
開蔬圃還待分畦作藥欄耳聵久拋琴袋冷吟
多不放酒杯乾深嗟文墨曾何補終日瞻天愧

素餐

紙帳

溪藤搗就淨無塵
斗帳裁成雪色新
枕上不知霜滿屋
窗前長愛月為隣
梅花遠托江南夢
木榻初回薊北春
莫笑先生心似鐵
老來隨意樂清真

曾知州送葡萄酒

故人遠送葡萄酒
灑灑流霞照玉杯
百斛驪珠霜後壓
一雙渾脫雪中來
金盤盡瀉薔薇露
銀

花開
甕還封瑪瑙
醅留待明年
春色裏
陌頭攜賞看

送黃翰赴江西

臺中楚楚繡衣郎
千里乘驄入豫章
鵬鷲九霄搏健翮
豺狼幾處避飛霜
草青南浦春風早
月過東湖夜色涼
百鑑堂深清似水
一簾花氣散幽香

竹深處為蘇州劉孟公題

種得琅玕歲月深
吳山千畝碧沉沉
煙生曉翠

日當戶風落秋聲月滿林却笑叅軍偏嗜酒時
邀中散共鳴琴興來自是忘形迹直造幽居看
綠陰

生孫

汝父別時猶總角忽聞生汝是今年敢誇抱送
從天上且得尊堂慰目前老去舊書欣有託病
來華髮任垂顛謝家竝詫芝蘭秀獨愛堦庭玉
樹鮮

送鄭御史幹致事還浦江

七十懸車荷聖情繡衣重耀日華明亦知報國
丹心在無那催人白髮生家世百年存孝義天
書五色動光榮歸來子姓森成列一一堦前道
舊名

送鄭知縣堅復任樂安

製錦長懷撫字心久傳佳政似山陰千家機杼
人煙靜百里桑麻雨露深門外賸栽陶令柳堂
中時鼓宓生琴茲時更好崇清望會見雙鳧入
上林

北京官舍中秋夜與俞廷輔萬克修二進

士子婦王恆對月

玉宇無塵夜色涼
畫堂明月耿秋光
開樽喜對二三子
酌飲何辭千百觴
仙掌露零風肅肅
廣寒天近樹蒼蒼
人生到處堪乘興
誰謂南樓興獨長

送應子澤重赴臨江太守

清江碧嶂照空明
太守重來竹馬迎
道上兒童歌五袴
樓前鼓角列雙旌
錦囊又見攜琴去
畫

船還聞載月行
此日都門一杯酒
臨岐不盡別君情

早秋

玄晏先生老卜居
年年只共一床書
烹葵及菽情如故
問舍求田計已踈
幾樹碧梧秋信早
半窗明月夜涼初
天河豈有支機石
祇恐君平語亦虛

送何教授赴松江

三十年前舊所經
題詩今日送君行
一經皓首

青氈老五兩薰風彩鷁輕白鶴坡殘遺迹古紫
薇花在講堂清故人相見如相問竊祿深慚負
世名

夜坐兼簡貝司業

月落銀河淡不流雲搏星彩坐來收樹頭驚鵲
三更雨草裏鳴蛩一片秋張子謾吟青玉案蘇
卿猶有黑貂裘憐君獨守詩書在矻矻窮年未
肯休

竹谿爲劉孟雍題

何處幽閒號竹谿君家萬竹繞芳堤葛陂疑有
蒼龍住蔣徑曾無彩鳳棲雨氣凝簾浮翡翠風
濤搖檻漾玻璃好看故舊頗移棹細覓琅玕節
下題

永樂八年春二月重被詔直內閣卽事有
詠遂成

清曉朝回祕閣中坐看宮樹露華濃綠窗朱戶
圖書滿人在蓬萊第一峰

又

歷代詩選 明胡若思
御溝風細水生波喜得春來暖漸多
堦下絕無塵迹到橋邊只有侍臣過

又
齋宮西畔御橋東禁署清嚴祕閣崇
內使傳來門欲鎖漏聲遙下五雲中

又
承乏詞林愧不才重承恩詔直芸臺
筵前禋祀草頻封簡帶得天香兩袖回

又
朝來吹面柳風涼宮瓦微微覺有霜
金鑰啓時紅日上瑣窗瑤席迥生光

戲馬臺

盛世英雄酒一杯悲歌祇使後人哀
平生廢盡屠龍技今日空留戲馬臺

附蕭翀詩

字鵬舉秦和人
在蘇州府同知

宿道德壇東白水道人

明月不可得孤燈還近人
祗緣懷久別轉覺坐相親
露下松壇夜雲歸石洞春
所歡心跡靜笑

語見情真

奉呈子高劉先生

剪燭臨清夜開窗對白雲不眠詩共賦歌罷酒
初醺風起松聲近溪迴野色分別來愁思滿南
雁正紛紛

予自流江將歸南溪劉先生亦還珠林賦

此別伯昂諸友

白紵明春雪清樽注晚霞客行天共遠人醉月
初斜碧岫神仙宅珠林處士家東歸三十里好

爲寄梅花

八閩夜泊安慶

水國勢漂搖江城景闐寥朝天知路近望月憶
家遙雨散虹光靜煙清蜃氣消明朝風色好穩
駕海門潮

曉經華陰

日出仙人掌天開岳主祠望來秦地遠景愛華
山竒霜後千年檜雲蒸五色芝嚴程不可任歸
路訪希夷

閏十二月十五日立春作

霜雪猶殘歲乾坤又早春客居隣守舊官曆喜
從新草木萌應動昆蟲屈漸伸九天多雨露端
望發生仁

宿平陸村

昔年曾此宿今日是重遊兵後人煙少村中草
樹稠霧開螢照夜月霽雁鳴秋明發前途去逢
人問鎮州

奉東蕭子充

多年結屋向溪橋此日飛書肯見招池上看鷺
朝洗硯月中騎鳳夜吹簫滿林西日迷花樹近
水南風亂柳條遣興題詩寄離思青山回首故
岩堯

奉寄王伯衢

故園江上幾時歸雞犬蕭蕭入翠微幽徑晝閒
芳草合曲欄春暖落花稀露濃香浥黃金盞風
細涼生白紵衣雙鶴寄巢松樹杪新來應解引
雛飛

寄吳所興

南溪流水北溪雲無限新愁總憶君
鴻雁歸時天杳杳鷓鴣啼處雨紛紛
郎官湖口江流合武姥峰頭樹色分
相去祇緣三十里此生何事苦離羣

人日訪友會亭馬上作

新平騎馬汴河堤草暖沙晴信馬蹄
路轉桑林時見兔鋪回茆店午聞雞
尋芳漸喜春初及訪舊先愁日欲低
料得一彎今夜月多情偏照會

亭西

聞雁

夜半忽聞征雁鳴傷心不覺淚縱橫
關河迢遞家千里風露淒涼夜五更
遙想入雲雙翮健最憐和月數聲悲
客中作得平安字肯爲愁人寄遠情

挽迥仙觀熊得昌鍊師

把臂神仙竟不回山中弟子有餘哀
函關曉霧青牛去華表秋風白鶴來
九轉丹成遺井竈三

春花落閣亭臺時來吊古懷清隱愁絕芝田半
草萊

寄林知縣彥澤

多時無便到東津料想風光日日新柳畔鶯聲
能醉客庭前花氣欲薰人舊馴野鶴雄生頂新
買河魚錦作鱗解印歸來宜晚釣笑談傾倒有
西隣

題臨溪齋

高齋光霽愛臨溪兩岫垂楊翠色齊石上鳴琴
看鶴舞溪邊洗酸聽鶯啼閒來自愛心如水興
至無嫌醉似泥爲訪幽棲渺何許因風先與寄
新題

余學夔

字一夔泰和人
仕至翰林侍講

蓼菴菴

涼風楓以淒浮雲蕩無涯螻蛄俟秋急春華已
無滋感茲動中曲悠然興我思
我思亦何由悲淚應心流念彼泉下親一往不
可求容音邈難遇能不增煩憂

歷代詩選 卷一 變
三
煩憂令人勞怨彼風木號棲棲無所託蓼莪我已
成蒿至恩諒難酌漠漠蒼天高
天高不可極歲月還蹉跎逝者益易疎生者其
奈何淚流漬胸臆忽忽將成河

賦得蓮花峰送陳叅政士啓歸山東

泰山入浮雲傍有蓮花峰神秀結坤輿青天劖
芙蓉翠色干蒼旻奇氣蒸鴻濛登躋豁壯懷萬
里歸眼中三島縵一髮嵩華青無窮我聞舜巡
狩秩祀先岱宗何時相遺跡激烈懷高風

玩易齋

冬至陽氣應仲夏陰始臨陰陽遞往復寒暑互
相尋伏羲探元化易理何其深奇耦陳卦象人
文宣至今彖爻本周辭造詣何駸駸仲尼續韋
編斯道寔所任藹藹伊川言泠泠康節吟卓哉
朱夫子衆理會其心後賢纘遺緒鑽仰競光陰
寄言來學者視此瑤華音

選遊篇贈楊以任

少年惜然諾結交世上英金羈絡駿馬萬里重

歷代詩選
古今一覽
三
橫行衣袍艷艷錦帶赤吳鉤炯炯雙龍鳴自擬
掉鞭遊洛下還思談笑過吳城揚帆歷海外倏
忽如旅蓬南來幾度時名滿江湖中風吹白浪
如銀屋大舶中流八千斛青蛾皓齒共徘徊
管繁絃互追逐偶然費酒都城遊客來解却千
金裘移山轉海不作色傾情瀉意無所求曾連
子李謫仙澹蕩與汝皆同然浮名富貴兩安在
千古惟稱尚父賢

送羅秀才賚郡志詣北京還鄉

君不見廬陵節義高天下白壁黃琮等光價益
公事業照乾坤六一文章耀金馬後來作者揚
與文孤忠激烈萬人羣雲路才華多袞袞林泉
隱逸何紛紛古往今來幾千載夢寐長懷見風
采冰壺玉鑑光若存大鏞金鐘聲尚在國朝功
業冠虞唐考圖稽古徧遐方中州圖志不可後
萬里奉冊趨明堂詞垣展玩生顏色却笑疎遺
三太息明珠魚目尚紛紜後進縱橫更遺佚薊
門秋雨鳴歸鴻錦筵朝別城門東赤縣霜清菊

花白金臺酒操玻璃紅沙頭酒盡朔風起無限
鄉情逐流水明朝客別向江南碧樹寒雲千萬
里

蘆雁

金氣凝寒關塞秋平沙獵獵黃雲浮雁行驚起
望南至陣陣摩天下平地湖田八月菰米熟憂
憂長鳴食還宿天濶曾無增繳憂稻梁滿眼復
何求上林帶書今已矣郝公通問功莫比未若
逍遙遠浦中黃蘆颺颺秋風裏

送呂僉事升考滿還福建

衣繡乘驄似舊時風霜行處有人知閩山按節
丹心苦鳳闕承恩白髮垂關樹浦雲仍獨往素
琴孤鶴護相隨十年直道終無改老去人傳柳
士師

送胡中書教授臨江

十載抽毫侍御筵傳經鄉郡理歸船天低玉筍
浮雲外水遶清江夕照邊賓館春醪從客醉鳳
池詩句許人傳養親正喜鄉園近何似臨岐更

惘然

寄康彥明

旅泊蹉跎忽暮年
結茆還在潞河邊
容顏不遣都人識
消息多因使者傳
賦罷曉禪池上筆
酒酣宵汎月中船
明年知遂歸休志
會出東門設祖筵

梁知府之交阨

關下相逢正白頭
城南送餞值清秋
九重恩命新君出
萬里江山舊日遊
吏識鐵冠前御史
民

瞻皂蓋古諸侯
南交郡裏興文教
豈減文翁在

蜀州

習編脩父弃教職就封還鄉

菖蒲葉綠雨新晴
皤首翩翩出禁城
內翰已頒新賜勅
廣文寧厭舊時名
送行獨愴賢郎意
歸去難勝故國情
聖世清江停棹處
晚年重與白鷗盟

玉泉流虹

石泉飛下碧嵯峨
濺玉跳珠濕薜蘿
影落半空

懸素練光垂一帶瀉銀河朝宗遠淮滄溟水分
注時添太液波幾度上林花落處偏因流向御
溝多

瓊島春雲

祥雲天上擁瑤岑縹緲細縕接上林光絢九重
頓捧日陰連萬井欲爲霖三春暖濕花枝重九
陌晴涵樹色深何必蓬瀛滄海去從龍長想此
登臨

贈方知府赴紹興

會稽爲郡古來稱萬壑千巖遠郡城五馬試從
今日去一錢終羨昔賢名長河曙月孤帆影高
樹流鶯兩岼聲別後定知官况好黃堂應似栢
臺清



石倉十二代詩選

明詩卷之六十九

終

新刊言集

明倫彙編

三

<p>卷之六</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------	------------	------------	------------	------------

文

